

Aningaasatigut kontonik nunanut allanut attuumassutilinnik kinaassutsimik uppernarsaasarneq nalunaaruteqartarnerlu pillugit Namminersorlutik Oqartussat nalunaarutaat

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi kingullermillu Inatsisartut inatsisaatigut nr. 32, 28. november 2016-imeersukkut allanngortinneqartumi § 35 a naapertorlugu aalajangersarneqarpoq:

Kapitali 1

Nassuiaatit

§ 1. Nalunaarummi uani naqinnernik angisuunik aallartiffillit kapitali manna naapertorlugu pingaaruteqassusiat malillugu paasineqassapput.

Aningaaserivik nalunaaruteqartoq

§ 2. Oqariartaaseq "aningaaserivik nalunaaruteqartoq" tassaavoq Kalaallit Nunaanni aningaaserivik.

Imm. 2. Oqariartaaseq "Kalaallit Nunaanni aningaaserivik" tassaavoq

1) aningaaserivik Kalaallit Nunaanniittoq, tamatumani pineqaratik aningaaseriviup pineqartup immikkoortortai Kalaallit Nunaata avataaniittut aammalu

2) aningaaseriviup immikkoortortaa Kalaallit Nunaanniittuunngitsup immikkoortortaa Kalaallit Nunaanni inissisimasoq.

§ 3. Aningaaserivik inatsisitigut oqartussaaffimmi peqataasumi, tassungalu ilanngullugu Kalaallit Nunaanni "angerlarsimaffeqarpoq", taanna inatsisitigut oqartussaaffimmi peqataasumi inatsisinik malinnittussaataaappat, tassa imaappoq Inatsisitigut oqartussaaffeqarfik peqataasoq aningaaseriviup nalunaaruteqartussaataanerani inatsisitigut aqutsivigisinnaagaa. Ataatsimut isigalugu aningaaserivik inatsisitigut oqartussaaffimmi peqataasumi akilerartarnikkut angerlarsimaffeqartoq tassani inatsisinik malinnittussaataaavoq, taamaalillunilu inatsisitigut oqartussaaffimmi peqataasumi aningaaseriviulluni.

Imm. 2. Aningaasaateqarfik aningaaseriviusoq inatsisitigut oqartussaaffimmi peqataasumi akilerartarnikkut angerlarsimaffeqarnera apeqqutaatinnagu taassuma aqutsisua ataaseq arlallilluunniit inatsisitigut oqartussaaffimmi peqataasumi tassani angerlarsimaffeqarpata Inatsisigut oqartussaaffeqarfimmi peqataasumi inatsisinik malinnittussaataaappat, kontot

nalunaarutigineqartussaataitaasut aningaasaateqarfimmit aqunneqartut aningaasaateqarfiup kapitali 9 naapertorlugu nalunaarutigineqartussaataitaasut eqqarsaatigalugit paasissutissat tamaasa Inatsisitigut oqartussaaffimmut allamut nalunaarutiginngippagit, tassa taanna inatsisitigut oqartussaaffimmi allami tassani akileraartarnikkut angerlarsimaffeqarnera pissutigalugu.

Imm. 3. Aningaasaateqarfik eqqaassanngikkaanni aningaaserivik, assersuutigalugu akileraartarnikkut ersarissumik akileraaruteqartartutut imaluunniit inatsisitigut oqartussaaffimmi isertitatigut akileraarfunngitsumi inissisimasutut isigineqarnini pissutigalugu akileraartarnikkut angerlarsimaffeqanngitsoq inatsisitigut oqartussaaffimmi inatsisinik malinnittussaasutut isigineqarpoq, taamaallillunilu Inatsisitigut oqartussaaffimmi peqataasumi aningaaseriviusaaq:

- 1) inatsisitigut oqartussaaffiup peqataasup inatsisai naapertorlugit nalunaarsorneqarsimaguni,
- 2) aqutsisut, tassungalu ilanngullugit aqutsisuiit inatsisitigut oqartussaaffimmi peqataasumi angerlarsimaffeqarpata, imaluunniit
- 3) inatsisitigut oqartussaaffimmi peqataasumi aningaasaqarnikkut nakkutilliivigineqartussaataitaaguni.

Imm. 4. Aningaasaateqarfik eqqaassanngikkaanni aningaaserivik inatsisitigut oqartussaaffinni peqataasuni marlunni arlalinniluunniit angerlarsimaffeqaruni aningaaserivik taanna aningaasatigut kontominik ataatsimik arlalinnilluunniit ingerlatsivigisaminut atatillugu nalunaartussaataitaanermi pisussaaffinnik aammalu peqqissaartumik periuseqarnissamik pisussaaffinnik inatsisitigut oqartussaaffimmi peqataasumi atuuttunik malinnittussaataitaavoq.

§ 4. Konto aningaaserivimmit ingerlanneqartutut ima isigineqassaaq:

- 1) aningaaserivimmi kontoppat, aningaaserivimmi kontomi pigisanik nalilinnik aqutsisumi, tassungalu ilanngullugu aningaaserivimmi aningaaserivimmi taamaattumi kontomik pigisalik sinnerlugu aningaaseriviup nammineq aqqa malillugu pigisanik nalilinnik tigummisaqartumi konto imaalliaannaq tiguneqarsinnaanngitsunik imalik.
- 2) aningaaserivimmi konto aningaaserivimmi aallaqqaasiutitut akiliutinut konto pillugu akiliisussaataitaasumi kontoppat, tamatumani pineqarnani aningaaserivimmi piginnaatitaaffeqartoq aammalu piginnaatitaaffeqartoq aningaaserivigaluarpalluunniit.
- 3) aningaaserivimmi konto nammineq aningaasaatit ilagippassuk imaluunniit aningaaserivimmi tassani aningaaserivimmi kontomi akiitsuuppat.
- 4) aningaaserivimmi konto aningaaserivimmi isumaqatigiissut pillugu akiliuteqarnissamik pisussaaffeqartumi aningaasanngorlugu nalilinnik sillimmasiinemik isumaqatigiissutitaqarpat imaluunniit taarsigassarsiat assigiiaartumik taarsersorneqarnissaannik isumaqatigiissutitaqarpat.

Imm. 2. Pappiaqqat aningaasanik nalillit pappiaqqat aningaasanik nalillit pillugit inatsimmi kapitali 21-mi nassuiarneqartut pappiaqqanik nalilinnik qitiusumik nalunaarsorsimaffianni nalunaarsorneqarsimasut aningaaserivik ataaseq arlallilluunniit aqqutigalugit pigineqartut eqqarsaatigalugit aningaaserivimmi kontot pineqartut aningaaserivinnit allanit taamaattunit pigineqartutut isigineqassapput, aningaaseriviillu allat taamaattut aningaaserivimmi kontot taamaattut eqqarsaatigalugit nalunaarutigineqartussaataitaasunut sunulluunniit akisussaatinneqassallutik. Taamaattorli pappiaqqanik nalilinnik nalunaarsorsimaffik pineqartoq aningaaseriviit allat taamaattut sinnerlugit nalunaaruteqarnissamut akimmiffissaqartinneqanngilaq.

Imm. 3. Aningaasalersuisarfinni piginneqataassut inummit inunnilluunniit nalunaarutigineqartussaannngitsunit pigineqarpat aningaasalersuisarfik piginneqataassut pillugu

nalunaaruteqartussaaitaanngilaq. Piginneqataassut aqutsiveqarfimmi aningaaserivimmi ingerlanneqartutut kontomi uninngasuutigineqarpat piginneqataassut aqutsiveqarfiup nalunaarut manna malillugu aningaaserivimmi pigisatut nalilittut ingerlatsivigissavaa.

§ 5. Oqaaseq "anigaaserivik" nalunaarummi matumani tassaavoq:

- 1) ingerlatsivik,
- 2) aningaasaleeqataasarfik,
- 3) aningaasaliisarfik imaluunniit
- 4) immikkuullarissunut sillimmasiisarnermut ingerlatseqatigiiffik.

§ 6. Oqariartaaseq "aqutsiveqarfik" (custodial institution) tassaavoq immikkoortortaq ingerlatami annerpaartaani allat akilersugaannik Aningaasatigut nalilinnik pigisalik.

Imm. 2. Immikkoortortap isertitai tamarmiusut aningaasatigut pigisanik nalilinnik pigisaqarnermeersuusinnaasut aammalu tassunga atatillugu aningaasalersuineramik sullississutineersuusinnaasut piffissani matuma kinguliani allassimasuni Immikkoortortap isertitaasa tamarmiusut 20 pct.-iattut amerlatigippata imaluunniit taakkunannga amerlaneruppata Immikkoortortaq allat akilersugaannik aningaasatigut nalilinnik pigisaqarluni annerpaamik ingerlataqartutut isigineqassaaq.

- 1) piffissaq ukiuni pingasunik sivisussusilik ukioq aalajangiiffusoq sioqqullugu ulloq 31. december naasoq, imaluunniit
- 2) piffissaq immikkoortortap atuuffigisaa.

§ 7. Oqariartaaseq "aallaqqaasiutitut akiliuteqartarfik" (depository institution) tassaavoq immikkoortortaq aningaaseriviup assigisaanilluunniit ingerlataqarfiup nalinginnaasumik ilagisaatut akiliutinik akuersissuteqartartoq.

§ 8. Oqariartaaseq "anigaasalersuisarfik" (investment entity) tassaavoq immikkoortortaq:

- 1) ingerlatami ilaatut suliamik ataatsimik arlalinnilluunniit imaluunniit sullitaq sinnerlugu suliasanik matuma kinguliani allassimasunik ingerlataqartooq:
 - a) aningaasanik niuerfinnik niueqateqarneq, tassa imaappoq checkit, aningaasanik taarsiineq, akiliuteqarnermut uppersaasiissutit, aningaasalersuinikkut isumaqatigiissutit il.il., allamiut aningaasaataannut taarsiinerit, aningaasanik niuernermi, ernialersuinermi aningaasanillu nalilersuinermit atortulersuutit, pappiaqqat nalillit tunineqarsinnaasut imaluunniit nioqqutissiassanut ulluni aalajangersimasuni akiliiffissat pillugit isumaqatigiissutit,
 - b) pappialanik nalilinnik kisimiilluni peqatigiilluniluunniit aqutsineq, imaluunniit
 - c) aningaasatigut pigisanik nalilinnik imaluunniit inuit allat sinnerlugit aningaasanik aningaasalersuinerit, ingerlatsinerit aqutsinerilluunniit allat imaluunniit
- 2) immikkoortortaq immikkoortortamit aallaqqaasiutitut akiliuteqartarfimmit, aqutsiveqarfimmit, sillimmasiisarfitut ingerlatseqatigiiffimmit nalunaarsuisussaaitaasumit imaluunniit aningaasalersuisarfimmit nr. 1-imi nassuiaatigineqartutut ittumit ingerlanneqarpat taassuma isertitai tamarmiusut aningaasaliissutinik, aningaasaleeqqinnernit imaluunniit aningaasatigut pigisanik nalilinnik niueruteqarnermit pissarsiarineqartarata.

Imm. 2. Immikkoortortaq ingerlatami ilaatut suliami imm. 1, nr. 1-imi nassuiaatigineqartut ilaannik

ataatsimik arlalinnulluunniit annerpaamik ingerlatalittut isigineqassaaq imaluunniit siunertanut § 8, imm. 1, nr. 2-mi taaneqartunut aningaasaliinernit, aningaasaleeqqinnernit imaluunniit aningaasatigut pigisanik nalilinnik niueruteqarnermit immikkoortortaq isertitami tamarmiusut annertunerpaartaanik isertitaqartutut isigineqassaaq Immikkoortortap isertitai tamarmiusut sulianut pineqartunut attuumassuteqarsinnaasut piffissani matuma kinguliani allassimasuni piffissami sivikinnerpaami immikkoortortap isertitai tamarmiusut annertoqatigippagit imaluunniit taakku 50 pct.-imik qaangerpagit:

1) ukioq aalajangersaaffusoq sioqqullugu piffissaq ukiunik pingasunik sivisussusilik ullorlu 31. decembarimut killilik, imaluunniit

2) piffissaq immikkoortortap atuuffigisaa.

Imm. 3. Oqariartaatsimi "anigaasalersuisarfik"-mi ilaatinneqanngilaq immikkoortortaq nioqqutininik sullississutinillu Ingerlataqartoq, tassa Immikkoortortap § 47, nr. 4-7-imi piumasaqaammik ataatsimik arlalinnulluunniit eqquutsitsimmat.

Imm. 4. Den finansielle aktionsgruppem ("financial action task force") innersuussutini "anigaaserivittut" nassuiaammi oqaasertat naapertorlugit imm. 1-3 paasineqassapput.

§ 9. Oqariartaatsimi "anigaaserivimmi pigisaq nalilik"-mi makku ilaatinneqarput:

1) pappiaqqat nalillit, soorlu aktiaateqarluni ingerlatseqatigiiffimmi aningaasatigut piginneqataassutit, ingerlatseqatigiiffimmi minnerpaamik inunnit marlunnit pigineqartumi aningaasaateqarfimmiluunniit amerlasuunik piginnittulimmi aningaasanilluunniit niuerfimmi nalunaarsorneqartumi piginneqataassutit piginnittuunermilu soqutigisat, obligationit, taarsigassarsinermi uppersarsaatit, akiitsunut uppersarsaatit akiitsunulluunniit uppersarsaatit assigisaat.

2) ingerlatseqatigiiffimmi minnerpaamik inunnit marlunnit pigineqartumi piginneqataassutit, nioqqutissat, illuatungeriit isumaqatigiissutaat (swaps), assersuutigalugu erniat pillugit illuatungeriit isumaqatigiissutaat, nunat allamiut aningaasaataat pillugit illuatungeriit isumaqatigiissutaat, illuatungeriit tungaviumisut isumaqatigiissutaat, erniat qaffasinnerpaaffissaat, erniat appasinnerpaaffissaat, nioqqutissiassat pillugit illuatungeriit isumaqatigiissutaat, aktiat pillugit illuatungeriit isumaqatigiissutaat, aktianut naleqqersuutit pillugit illuatungeriit isumaqatigiissutaat isumaqatigiissutillu tamakkununga assingusut.

3) sillimasiinermut isumaqatigiissutit imaluunniit ernianut akilersuutinullu isumaqatigiissutit.

4) piginneqataassutit, tassunga ilanngullugu pappialat nalillit pillugit siunissami piffissamut aalajangersimasumut isumaqatigiissut, piffissamut isumaqatigiissutit imaluunniit aningaasalersuineq pillugu isumaqatigiissut, ingerlatseqatigiiffiit minnerpaamik inunnit marlunnit pigineqartut, nioqqutissat, illuatungeriit isumaqatigiissutaat, sillimasiineq pillugu isumaqatigiissutit imaluunniit taarsigassarsiat assigiiaartumik taarsersorneqarnissaannik isumaqatigiissutit.

Imm. 2. Oqariartaatsimi "anigaaserivik pigisatut nalilik"-mi ilaatinneqanngilaq pigisami aalaakkaasumi akiitsoqarfunngitsumik toqqaannartumik piginneqataassut.

§ 10. Oqaaserineqartoq "immikkuullarissunut sillimasiisarnermut ingerlatseqatigiiffik" (specified insurance company) isumaqarpoq ingerlatsivik sillimasiisarnermut ingerlatseqatigiiffik sillimasiinermut isumaqatigiissut aningaasanik nalilik (cash value insurance contract) imaluunniit ernianut akilersuutinullu isumaqatigiissut eqqarsaatigalugit tunniussisartussaq imaluunniit akiliisarnissamut pisussaaffilik.

Aningaaserivik nalunaaruteqartussaanngitsoq

§ 11. Oqariartaaseq "aningaaserivik nalunaaruteqartussaanngitsoq" tassaavoq aningaaserivik:

- 1) pisortat immikkoortortaat, nunani tamalaani suliniaqatigiiffik qitiusumilluunniit aningaaserivik ; tamatumani pinnagu aningaasatigut ingerlatamut niuernerimik tunngaveqartumut sillimmasiisarfitut ingerlatseqatigiiffimmit nalunaarsuisussaataasumit ingerlanneqartumut atatillugu pisussaaffiup nassatarisaanik akiliuteqarneq; aqutsiveqarfik imaluunniit aallaqqaasiutitut akiliuteqartarfik.
- 2) soraarnerussutisiassanut aningaasaateqarfik annertuumik ilaasortalik, soraarnerussutisiassanut aningaasaateqarfik killilimmik ilaasortalik, soraarnerussutisiassanut aningaasaateqarfik pisortat immikkoortortaanit ingerlanneqartoq, nunani tamalaani suliniaqatigiiffik imaluunniit qitiusumik aningaaserivik imaluunniit kortinik akiliutinik tunniussinissamut akuerisaasoq.
- 3) pensionisiallit peqatigiiffi il.il. allat.
- 4) ataatsimut aningaasalersuisarfik nalunaaruteqartussaataanngitsoq.
- 5) aningaasaateqarfik, aningaasaateqarfimmi aqutsisoq aningaasaateqarfiuppat nalunaaruteqartussaasoq aammalu aningaasaateqarfiup kontoi nalunaarutigineqartussaataasut tamaasa eqqarsaatigalugit paasissutissanik tamanik kapitali 9 naapertorlugu nalunaarutigineqaqquneqartunik nalunaaruteqartarpat.

§ 12. Oqariartaaseq "pisortat immikkoortortaat" tassaavoq inatsisitigut oqartussaaffimmi naalakkersuisut, inatsisitigut oqartussaaffimmi politikikkut immikkoortortatut agguataagaq, tamatumani pineqarlutik naalagaaffik, provinsi, nunap immikkoortua kommuniluunniit imaluunniit oqartussaaffik immikkoortoqarfilluunniit alla inatsisitigut oqartussaaffimmit imaluunniit Pisortat immikkoortortaanit ataatsimit arlallinnilluunniit tamakkiisumik pigineqartoq. Immikkoortukkuutaanut taakkununga ilaapput immikkoortoqarfiit ataatsimoortitat, immikkoortortat nakkutilliivigineqartut aammalu inatsisitigut oqartussaaffimmi politikikkut immikkoortortatut agguataakkat.

Imm. 2. Inatsisitigut oqartussaaffimmi "immikkoortoqarfik ataatsimoortitaq" tassaavoq inuk, kattuffik, oqartussaaffik, allaffik, aningaasaateqarfik, suliffeqarfik ingerlataqarfilluunniit alla, taaguutini apeqqutaatinagu inatsisitigut oqartussaaffimmi aqutsisutut oqartussaaffiusoq. Aqutsiviulluni ingerlataqarfiusup ilanngaaseereerluni isertitai nammineq kontoanut imaluunniit kontonut allanut inatsisitigut oqartussaaffimmit pigineqartunut ilanngunneqassapput taakkulu ilaat inuinnarnit pissarsiassanngortinneqarnatik. Immikkoortoqarfimmi ataatsimoortitami ilaatinneqanngillat inuk naalakkersuisunut sinniisoq, atorfilittaq aqutsisorluunniit nammineq inuttulluunniit piginnaasaqarnini malillugu iliuuseqarsinnaasoq.

Imm. 3. "Immikkoortortaq nakkutilliivigineqartoq" tassaavoq immikkoortortaq ilusiligaanermigut inatsisitigut oqartussaaffimmut atanngitsoq imaluunniit inatsisilerinikkut immikkut allatut inissisimasut makku apeqqutaatillugit:

- 1) immikkoortortaq pisortat Immikkoortoqarfianit ataatsimit allalinnilluunniit imaluunniit immikkoortortaq nakkutilliivigineqartoq ataaseq arlallilluunniit aqutugalugit tamakkiisumik pigineqartoq toqqaannartumillu nakkutilliivigineqartoq,
- 2) immikkoortortap ilanngaaseereerluni isertitat nammineq kontoanut imaluunniit kontonut allanut pisortat immikkoortoqarfianit ataatsimit arlallinnilluunniit pigineqartunut ilanngunneqassapput taakkulu ilaat inuinnarnit pissarsiassanngortinneqarnatik, aamma

3) immikkoortortap atorunnaarnerani taassuma pigisai nalillit pisortat immikkoortortaanit ataatsimit arlalinnilluunniit tunniunneqartussaappata.

Imm. 4 Isertitat inuinnarnit pissarsiarineqarsinnaassanngillat inuit taakku pisortat ingerlataanik pissarsisussatut naatsorsuunneqarpata aammalu ingerlatami suliat inuit tamarmik soqutigisaat malillugit innuttaasunut suliaappata imaluunniit pisortat suliniutaannik aqutsinermut attuumassuteqarpata. Siuliani allassimasut apeqqutaatinnagit isertitat inuinnarnit pissarsiarineqarsinnaasutut isigineqarput inuussutissarsiutigut suliffeqarfik, assersuutigalugu niuerneramik tunngaveqartumik aningaaserivik inuinnarnut aningaasalersuinikkut sullississutininik suliaqartoq pisortat immikkoortortaa atorlugu isertitaappata.

§ 13. Oqariartaaseq "nunani tamalaani suliniaqatigiiffik" tassaavoq nunani tamalaani suliniaqatigiiffik imaluunniit oqartussaaffik suliffeqarfilluunniit tassannga tamakkiisumik pigineqartoq. Immikkoortunut taakkununga ilaapput suliniaqatigiiffiit nalinginnaasut suulluunniit naalagaaffiit akornanni atuuttut, tassunga ilanngullugit naalagaaffiit ilaasortaasut akornanni suliniaqatigiiffik annermik naalakkersuisunit peqataaffigineqartoq aammalu nunagisaq pillugu isumaqatigiissutilik imaluunniit ataatsimut isigalugu Kalaallit Nunaanni assingusumik isumaqatigiissutilik tassanngaanniillu isertitat inuinnarnut atugassanngortinneqarnatik.

§ 14. Oqariartaaseq "qitiusumik aningaaserivik" tassaavoq ingerlatsiveqarfik nunat allamiut aningaasaataanik ingerlaartitsisussatut aningaasaqarnikut aqutaasinnaasut pillugit inatsisinik pisortatigoortumilluunniit akuersissut aqutigalugit atuuttussanngortitsinissamut inatsisitugit oqartussaaffiup peqataasup naalakkersuisuisa saniatigut qullersatut oqartussaasoq. Aningaaserivimmi tassani ilaasinnaavoq ingerlatsiveqarfik inatsisitugit oqartussaaffiup peqataasup naalakkersuisuinut atanngitsoq, taanna inatsisitugit oqartussaaffimmit peqataasumit tamakkiisumik ilaannakortumilluunniit pigineqarnerisooq apeqqutaatinnagu.

§ 15. Oqariartaaseq "soraarnerussutisiassanut aningaasaateqarfik annertuumik ilaasortalik" tassaavoq aningaasaateqarfik tiguisussanut maanna suliffeqartunut suliffeqarsimasunulluunniit imaluunniit inunnut sulisitsisumi ataatsimi arlalinniluunniit taama suliffeqartunit toqqarneqarsimasunit sullississutigineqarsimasunut akiliutitut soraarnerussutisiatut tunniuttakkanik, sulisinnaajunnaarnerisutitut tunniuttakkanik imaluunniit toqusoqartillugu tunniutassanik imaluunniit taakku akuleriissillugit tiguisussanut tunniutassanik pissarsiniartussatut pilersinneqartoq, apeqqutaatillugu soraarnerussutisiassanut aningaasaateqarfik

1) soraarnerussutisiassanut aningaasaateqarfiup pigisaasa nalillit 5 pct.-it sinnerlugit annertussusilinnik pissarsiaqarsinnaatitaasunik tiguisussaqaanngippat,

2) pisortat inatsisaanik malinnittussaappat aammalu Akileraartarnermut Aqutsisoqarfimmut paasissutissiisussaataappat aamma

3) piumasaqaatit uku ilaannik ikinnerpaamik ataatsimik naammassinnittoq;

a) soraarnerussutisiassanut aningaasaateqarfik aningaasaliinerniit isertitat akileraarusernissaannut nalinginnaasumik pisussaajunnaarsitaasarpooq imaluunniit isertitat taakku akileraaruserneqarnissaat kinguartinneqarluni imaluunniit soraarnerussutisiassanut aaqqissuussinertut inissisimanertik pissutigalugu appasinnerusumik akileraaruserneqarlutik,

- b) soraarnerussutisiassanut aningaasaateqarfiup akiliutimi tamarmiusunit ikinnerpaamik 50 pct.-it tigussavai, paragrafimi matumani aamma §§ 16 aamma 17-imi allaaserineqartutut aqqissuussinernit allaniit pigisanit nalilinnit nuussinerit eqqaassanngikkaanni imaluunniit sulisitsisunit aningaasaliisuniit § 33-imi allaaserineqartutut soraarnerussutisiassanut kontonit
- c) soraarnerussutisiassanut aningaasaateqarfimmiit agguaassineq imaluunniit aningaasanik tunniussineq taamaallaat pisinnaavoq soraarnerussutisianut, innarluuteqarnermut tunngasut aalajangersimasut pisimatillugit imaluunniit toqusoqarsimatillugu, maannakkut paragrafimi aamma §§ 16 aamma 17-imi allaaserineqartutut soraarnerussutisiassanut aningaasaateqarfinnut allanut agguaassinissamut imaluunniit § 33-imi allaaserineqartutut soraarnerussutisianut kontonut nuussinerit ilanngunnagit, taamaattoqanngippat agguaassinernut imaluunniit immikkut pisut taakku sioqqullugit aningaasanik tunniussinernut pineqaatissiisoqassaaq, imaluunniit
- d) soraarnerussutisiassanut aningaasaateqarfimmut sulisartup akiliisarneri, akiliutit ilassutaasut akuerineqartut aalajangersimasut ilanngunnagit, sulisartup sulinermit isertitaanut innersuussisoqarluni killeqarpata imaluunniit ukiumoortumik 341.000 kr.-it qaangissanngippagit, kontot kattunneqarneri aamma nunat allat aningaasaannut naatsorsuineq pillugu §§ 98-101-imi eqqartorneqartut maleruagassat atorineqartillugit.

§ 16. Oqariartaaseq 'soraarnerussutisiassanut aningaasaateqarfik killilimmik ilaasortalik' isumaqarpoq aningaasaateqarfik maannakkut imaluunniit siusinnerusukkut sulisartuusimasunut pisartagaqartunut soraarnerussutisianik akiliutissat, innarluuteqarnermi akiliutissat imaluunniit toqusoqarnerani aningaasanik tunniussinissap pilersinneqarnissaanut pilersinneqarsimasut, imaluunniit inunnut, sulisitsisumi ataatsimi arlalinniluunniit sulisartunit taakkuninnga toqqarneqarsimasunut, akiliutinut tunniunneqarsimasunut akiliutitut, naatsorsuutigalugu

- 1) soraarnerussutisiassanut aningaasaateqarfik 50-inik ikinnerusunik peqataasoqarpat,
- 2) soraarnerussutisiassanut aningaasaateqarfik, sulisitsisumit ataatsimit amerlanerniilluunniit aningaasalersuisarfunngitsumit aningaasalersorneqartoq,
- 3) sulisartup aamma sulisartup soraarnerussutisiassanut aningaasaateqarfimmut akiliisarnera § 33-mi allaaserineqartutut soraarnerussutisianut kontoniit pigisanik nalilinnik nuussinerit eqqaassanngikkaanni sulisartup sulinermi akissarsiaanut ajunngitsorsiassaanullu innersuussilluni killeqarpata,
- 4) peqataasut soraarnerussutisiassanut aningaasaateqarfiup pilersinneqarfiani inatsisitigut oqartussaaffimmi najugaqartuunngitsut, soraarnerussutisiassanut aningaasaateqarfiup pigisaanit nalilinnit 20 pct.-ini annertunerusunut pisinnaatitaaffeqanngillat, aamma
- 5) soraarnerussutisiassanut aningaasaateqarfik pisortat malittarisassaani ilaatinneqarpat aamma Akileraartarnermut Aqutsisoqarfimmut paasissutissanik nalunaaruteqartarpat.

§ 17. Oqariartaaseq "soraarnerussutisiassanut aningaasaateqarfik pisortat immikkoortortaanit ingerlanneqartoq, nunani tamalaani suliniaqatigiiffik imaluunniit qitiusumik aningaaserivik" isumaqarpoq aningaasaateqarfik pisortat immikkoortortaanit ingerlanneqartumit, nunani tamalaani suliniaqatigiiffimmit imaluunniit qitiusumik aningaaserivimmit pilersinneqarsimasooq maannakkut imaluunniit siusinnerusukkut sulisartuusimasunut pisartagaqartunut soraarnerussutisianik akiliutissat, innarluuteqarnermi akiliutissat imaluunniit toqusoqarnerani aningaasanik tunniussinissap pilersinneqarnissaanut pilersinneqarsimasut imaluunniit inunnut, sulisitsisumi ataatsimi arlalinniluunniit

sulisartunit taakkuninnga toqqarneqarsimasunut imaluunniit maannakkut siusinnerusukkulluunniit sulisartuusimangitsoq, tiguisartumut imaluunniit peqataasunut akiliutit akiliutinut tunniunneqarsimasunut akiliutitut pisortat immikkoortortaanit ingerlanneqartoq, nunani tamalaani suliniaqatigiiffik imaluunniit qitiusumik aningaaserivik pillugu inuttut kiffartuussinertut akiliutitut pissarsiarineqarsimasut.

§ 18. Oqariartaaseq "kortinik akiliutinik tunniussinissamut akuerisaasoq" isumaqarpoq aningaaserivik piumasaqaatinik makkuninnga naammassinnittoq:

1) aningaaserivik taamaallaat aningaaserivuvoq, kortinik akiliutissanik tunniussisartuugami, sullitaq kortimi akiligassanik qaangiisumik akiliuteqaraangat aningaasaliinernik taamaallaat akuersisartoq aamma sinneqartumik akiliineq ingerlaannartumik sullitamut utertinneqanngippat, aamma
2) aningaaserivik ulloq 1. januar 2016 sioqqullugu politikkinik suleriaatsinillu naammassinnippat, sullitap 341.000 kr.-t sinnerlugit akiliinissaanik pinngitsoortitsinissamik siunertaqartoq imaluunniit aningaasat taakku sinnerlugit sullitamiit sinneqartumik akiliinerit tamarmik ullut 60-it iluanni sullitamut utertinneqarnissaannik qulakkeerisoq, pisuni marlunni kontot kattunneqarneri aamma nunap aningaasaanut naatsorsuineq pillugu §§ 98-101-imi eqqartorneqartut maleruagassat atorneqarlutik. Tassunga atatillugu sullitap sinneqartumik akiliutai akiliinerit isumaqatigiinngissutaasut eqqarsaatigalugit akiligassanut innersuussinneqassanngillat, taamaattorli nioqqutissat utertinnerannit akiligassanut tunngasuullutik.

§ 19. "Soraarnerussutisiassanut aningaasaateqarfiit allat ilaat il.il."-imi paasineqarput immikkoortut uku taakku §§ 16-18-imut ilaangippata:

1) soraarnerussutisiassanut aningaasaateqarfiit ilaasortaminnut sinniisuusut, tak. aningaasanik ingerlataqarneq pillugu inatsimmi § 304.
2) suliffeqarfinnut attuumassuteqartut inuunermut sillimasiisarfiit, tak. aningaasanik ingerlataqarneq pillugu inatsimmi § 307.
3) inuunermut sillimasiisarfiit, aningaasanik ingerlataqarneq pillugu inatsimmi § 307, imm. 1, nr. 1 aamma 2-mi piumasaqaatinik naammassinnittut.

Imm. 2. Imm. 1-imi eqqaaneqartut aningaaseriviit § 39-mi eqqaaneqartumi aningaasatigut kononut ilanngullugit nalunaarsuiffimmi Akileraartarnermut Aqutsisoqarfimmit tamanut saqqummiunneqassapput.

§ 20. Oqariartaaseq "ataatsimut aningaasalersuisarfik nalunaaruteqartussaataitaangitsoq" isumaqarpoq aningaasalersuisarfik ataatsimut aningaasaliinernut aningaaserivittut malittarisassaqaartinneqartoq, naatsorsuutigalugu aningaaserivimmi piginneqataassutit tamarmik inuit imaluunniit immikkoortortamit, inuunngitsumit, nalunaarutigineqartussaasumit pigineqartut, inuit nakkutilliisut, inuit taakku pillugit nalunaaruteqartussat ilanngunnagit.

Imm. 2. Aningaasalersuisarfiup, ataatsimut aningaasaliinernut aningaaserivittut malittarisassaqaartinneqartup aamma ataatsimut aningaasalersuisarfik nalunaaruteqartussaataitaangitsoq imm. 1-imi piumasaqaatit naammassissavai, aningaasalersuisarfik qaqugumulluunniit tigumminnittup pigisai piginneqataassutitik atulersitsisimagaluarpalluunniit, makku naatsorsuutigalugit:

1) aningaasaliisarfik tunniussinngippat aamma 31. december 2015-ip kingornatigut piginnittut aktiaataannik tunniussinngippat,

- 2) aningaasalersuisarfiup utertitsilluni pisinermit aktiat taamatut ittut tamaasa ilannguttarpagut,
- 3) aningaasalersuisarfiup kapitalini 3 - 8-ni eqqartorneqartut suleriaatsit peqqissaartumik periuseqarluni ingerlappagut aamma aktiat taamaattut eqqarsaatigalugit nalunaarutigineqartussat paasissutissat nalunaarutigippagut, aktiat taakku aningaasanngortinniarlugit allatigulluunniit akilerneqartussanngorlugit takutinneqarpata, aamma
- 4) aktiat taakku kingusinnerpaamik 1. januar 2018-imi aningaasanngortinneqarsimanissaannik imaluunniit tuniniarneqarsinnaajunnaartinneqarnissaannik qulakkeerinnittunik politikkit suleriaatsillu aningaasaatqarfiup atuutsilersissimassagai.

Aningaaserivimmi konto

§ 21. Oqaaseq "aningaaserivimmi konto" isumaqarpoq konto aningaaserivimmit aquanneqartoq taamatuttaaq ukunannga:

- 1) aallaqqaasiutitut akiliutinut konto.
- 2) ingerlatsinermut konto.
- 3) aningaasaliisarfirmut tunngatillugu nammineq aningaasaatini piginneqataassut sunaluunniit imaluunniit aningaasaliisarfirmi akiitsut. Siuliani allassimasut apeqqutaatinnagit oqariartaaseq "aningaaserivimmi konto" aningaasalersuisarfirmi immikkoortortami nammineq aningaasaatini imaluunniit akiitsuni piginneqataassuteqanngilaq, taanna taamaallaat aningaasalersuinissamut siunnersuisuuginnarmat aamma sullitaq sinnerlugu niuernermik imaluunniit immikkoortortamit tassannga allaanerusumi aningaaserivimmi allami sullitap atianut toqqorneqarsimasunut aningaasatigut pigisanik aningaasaliinissaq, ingerlatsinissaq imaluunniit aqutsinissaq siunertarlugu suliassanik aqutsisuummat,
- 4) nr. 3-imi allaaserineqanngitsoq aningaaserivik eqqarsaatigalugu aningaaserivimmi nammineq aningaasaatini imaluunniit akiitsuni piginneqataassutit, taamatut ittut kapitali 9 naapertorlugu nalunaaruteqannginnissaq siunertarlugu pilersinneqarsimappata, aamma
- 5) sillimasiinermit isumaqatigiissut sunaluunniit aningaasanik naleqartoq aamma taarsigassat assigiiaartumik taarsersorneqarnissaannik isumaqatigiissutit suulluunniit aningaaserivimmit atuutsilersinneqarsimasut imaluunniit ingerlanneqartut, aningaasalersuinermut atassuteqanngitsut, imaaliiallaannaq tunniunneqarsinnaanngitsut soraarnerussutisiat inummut atulersitat aamma soraarnerussutisiaqartumut imaluunniit innarluuteqartumut aningaasanik naleqartitsisut, kontomi ikineqartartut, kontomut ilaanngitsut ilanngunngagit.

Imm. 2. Oqariartaatsimut "aningaaserivimmi konto"-mut ilaanngilaq konto, kontomut ilaanngitinneqanngitsumut ilaanngitsoq.

§ 22. Oqariartaatsimut "aallaqqaasiutitut akiliutinut konto"-mut ilaapput niuernermi kontot suulluunniit, akissarsianut konto, isumaqatigiissuteqarluni konto imaluunniit konto aallaqqaasiutitut akiliutinut uppersarsaateqarnikkut, ileqqaarnissamut uppersarsaatikkut, aningaasaliinermut uppersarsaatikkut, akiitsunut allagartakkut imaluunniit taamaaqataanik allatigut uppersarsarneqartoq, aningaaserivimmik nalinginnaasumik ingerlatsinertut imaluunniit taamaaqataanik niuernikkut ingerlatsinertut aningaaserivimmit ingerlanneqartoq.

Imm. 2. Aallaqqaasiutit akiliutinut kontomut aamma ilaapput aningaasat aningaasaliinissamut

isumaqatigiissut qularnaveeqquserneqarsimasoq malillugu sillimmasiisarfinmi toqqortarineqartut imaluunniit akiliinissaq imaluunniit aningaasat ernialernissaat pillugu taamaaqataanik isumaqatigiissut.

§ 23. Oqariartaaseq "aqutsinermi konto" isumaqarpoq konto, sillimmasiinermi isumaqatigiissut imaluunniit taarsigassat assigiiartumik taarsersorneqarnissaannik isumaqatigiissut ilanngunnagit, inummut allamut iluaqutaasussatut aningaasaqatigut pigisanik nalilinnik ataatsimik arlalinnilluunniit imaqartoq.

§ 24. Oqariartaaseq "nammineq aningaasaatini piginneqataassutit" isumaqarpoq aningaaserivimmi soqutigisaqatigiinnut tunngasuusoq eqqarsaatigalugu, soqutigisaqatigiiffimmi aningaasaatini piginneqataassutit imaluunniit sinneqartoorutinit piginneqataassutit.

Imm. 2. Aningaasaateqarfik aningaaseriviusoq eqqarsaatigalugu nammineq aningaasaatini piginneqataassutit isigineqarput inummit pigineqartut, aningaasaateqarfup tamarmiusup ilaannaanilluunniit pilersitsisutut imaluunniit pisinnaatitaaffittut suliarineqartut imaluunniit inummit allamit aningaasaateqarfimmit inaarutaasumik sunniuteqarluartumik nakkutilliisumit pigineqartut. Inuk nalunaarutigineqartussaq pillugu aningaasaateqarfimmi pisinnaatitaasutut isumagineqassaaq, inuk taamatut ittoq nalunaarutigineqartussaq, assersuutigalugu ingerlatsisoq aqutigalugu toqqaannartumik toqqaannanngitsumilluunniit agguagassarsiassanik tigusinissamut pisinnaatitaappat imaluunniit aningaasaateqarfimmiit agguagarsiassanik missiliukkat toqqaannartumik toqqaannanngitsumilluunniit tigusinnaappat.

§ 25. Oqariartaaseq "sillimmasiinermik isumaqatigiissut" isumaqarpoq isumaqatigiissut, taarsigassat assigiiartumik taarsersorneqarnissaannik isumaqatigiissut ilanngunnagu, taanna naapertorlugu toqusoqarsinnaaneranut, napparsimalersinnaanermut, ajutoorsinnaanermut, akisussaaneermut imaluunniit illumi annaasaqarsinnaanernut ilaasut immikkut pisoqarnerani aningaasanik tunniussinissamut atulersitsinissamut akuersisoq.

§ 26. Oqariartaaseq "taarsigassat assigiiartumik taarsersorneqarnissaannik isumaqatigiissut" isumaqarpoq isumaqatigiissut, taanna malillugu inuup ataatsip arlalilluunniit piffissaq inuuffigisassaattut naatsorsuutigisaq eqqarsaatigalugu tamakkiisumik ilaannakuusumillu aalajangerneqartumi piffissami aningaasanik tunniussisarnissamut atulersitsinissamut akuersisoq.

Imm. 2. Oqariartaatsimut aamma ilaavoq isumaqatigiissut inatsisit, najoqqutassat imaluunniit isumaqatigiissutip atuutilerfiani inatsisitigut oqartussaaffigisami suleriaaseq malillugu taarsigassat assigiiartumik taarsersorneqarnissaannik isumaqatigiissutitut isigineqartoq, aamma taanna malillugu ukiuni arlalinni akiliisarnissamut atulersitsinissamut akuersisoq.

§ 27. Oqariartaaseq "sillimmasiinermut isumaqatigiissut aningaasanik naleqartoq" isumaqarpoq sillimmasiinermi isumaqatigiissut, sillimmasiisarfiit marluk aningaasanik naleqartitsisut akornanni isumaqatigiissut, alla sinnerlugu akiliisimanermut ajunngitsorsiassaqaqarnermut akisussaaneq pillugu sillimmaseeqqinnermut ilanngunnagu.

§ 28. Oqariartaaseq "anigaasanngorlugu nalinga" isumaqarpoq anigaasani ukunani marlunni anigaasat annerpaat:

- 1) anigaasat, isumaqatigiissutip atorunnaarsinnerani imaluunniit naanerani sillimmasiisimasup tigusassatut pisinnaatitaaffigisai, atorunnaarsitsinnermut imaluunniit sillimmasiinerup allagartaani taarsigassarsiamut atatillugu akiliinnermut appartitsinertaqanngitsumik aalajangerneqartoq aamma
- 2) anigaasat, isumaqatigiissut naapertorlugu imaluunniit eqqarsaatigalugu sillimmasiisup taarsigassarsiarisinnaasai.

Imm. 2. Imm. 1-imi allaqqasut apeqqutaatinnagit oqariartaatsimut "anigaasanik nalilik"-mut ilaangillat anigaasat sillimmasiinnermut isumaqatigiissut naapertorlugu akilerneqartussat:

- 1) inuup inuunermut sillimmasiinnermut isumaqatigiissut malillugu sillimmaserneqarsimasup toquneratigut taamaallaat tunniunneqartussat,
- 2) inuup ajoquserneratigut imaluunniit napparsimaneratigut ikiuutit imaluunniit allat ikiuutit, pisup sillimmaserneqarsimasup atuutilerneratigut anigaasanut annaaneqartunut taartaasut,
- 3) siusinnerusukkut sillimmasiinnermut akilersimasat utertillugit akilerneqarneri sillimmasiinnermut akiliutissanut anigaasartuutit ilanngaatilugit, taakku sillimmasiinnermut isumaqatigiissut naapertorlugu piumasarineqarsimanerat imaluunniit piumasarineqarsimannginnerat apeqqutaatinnagu, anigaasalersuinnermut atasumik inuunermut sillimmasiinnermut imaluunniit taarsigassat assigiiaartumik taarsersorneqarnissaannik isumaqatigiissut eqqaassanngikkaanni, isumaqatigiissutip atorunnaarsinnerata imaluunniit naanerata, isumaqatigiissummi piffissap atuuffiani annaasaqariataarfusinnaasut peqataanerit pisussaaffiliisut appartinnerisa malitsigisaanik imaluunniit kukkusumik anigaasat inissinneqarsimasut iluarsineqarnerisa imaluunniit isumaqatigiissummut akiliummut tunngatillugu kukkunerit assingusut allat malitsigisaannik,
- 4) sillimmasertumut agguagassarsiatut, atorunnaarneranut atatillugu agguagassarsiat ilanngunnagit, agguagassarsiaq sillimmasiinnermut isumaqatigiissummut tunngasuuppat, taanna naapertorlugu akiliutit nr. 2-mi allaaserineqartut kisimik tunniunneqarlutik, imaluunniit
- 5) sillimmasiinnermut isumaqatigiissut pillugu siumoortumik akiliutinik imaluunniit akiliutitut qularnaveeqqutit utertillugit akilernerini, taanna naapertorlugu akiliut ikinnerpaamik ukiumut ataasiarluni akilerneqartarluni, siumoorluni akiliut imaluunniit akiliutitut qularnaveeqqusiussat pillugit anigaasat ukiup tulliani akiliutissaq isumaqatigiissut malillugu akilerneqartussaq qaangersimanngippagu.

§ 29. Oqariartaaseq "konto pioreersoq" isumaqarpoq:

- 1) anigaaserivimmi konto, ulloq 31. december 2015-imi anigaaserivimmit nalunaaruteqartussaasumit ingerlanneqartoq
- 2) anigaaserivimmi konto kontomik piginnittumit pigineqartoq, anigaaserivimmi kontop taamatut ittup ulloq suna ammarneqarnera apeqqutaatinnagu,
 - a) kontomik piginnittoq aamma anigaaserivimmi kontoqarpat, nr. 1 malillugu anigaaserivimmi nalunaaruteqartussami konto pioreersuusooq, imaluunniit Kalaallit Nunaanni immikkoortortaq atassuteqartoq,
 - b) anigaaseriviup nalunaaruteqartussap immaqalu Kalaallit Nunaanni immikkoortortap atassuteqartup, qulaani taaneqartut marluk anigaaserivimmi kontot aamma kontomik piginnittup anigaaserivimmi kontoi allat, normu manna naapertorlugu kontotut pioreersutut isigineqartut, kontoni anigaasanut killiussat atorineqartillugit § 94-imi eqqartorneqartut ilisimasanut piumasaqaatit naammassineqarnissaat

siunertaralugu aamma aningaaserivimmi kontoni nikinganernik imaluunniit nalinik naatsorsuinissaq siunertaralugu aningaaserivimmi kontotut ataatsitut suliarineqassapput,

c) aningaaserivimmi konto, AML/KYC-imi suleriaatsinut ilaasut eqqarsaatigalugit aningaaserivik nalunaaruteqartussaq pisussaavoq nr. 1-imi allaaserineqartutut kontomut pioreersumut naammassineqarsimasut AML/KYC-imi suleriaatsit atornerisigut aningaaserivimmi kontomut AML/KYC-imi suleriaatsit taamatut atornissaannut pisussaaffeqarpoq, aamma

d) aningaaserivimmi kontomik ammaanermut piumasarineqanngilaq kontomik piginnittoq sullitatut paasissutissanik nutaanik, ilassutaasunik allannguisunilluunniit saqqummiussinissaa, peqqussutip taassuma malinnera ilanngunnagu.

§ 30. Oqariartaaseq "konto nutaaq" isumaqarpoq aningaaserivimmi konto, aningaaserivimmit nalunaaruteqartussamit ingerlanneqartoq aamma ulloq 1. januar 2016-imi kingusinnerusumiluunniit pilersinneqarsimasoq, taanna § 29, imm. 1, nr. 2 malillugu kontotut pioreersutut isigineqanngippat.

§ 31. Oqariartaaseq "inuup kontoa pioreersoq" isumaqarpoq konto pioreersoq inummit ataatsimit arlalinnilluunniit pigineqartoq.

Imm. 2. Oqariartaaseq "inummut konto nutaaq" isumaqarpoq konto nutaaq, inummit ataatsimit arlalinnilluunniit pigineqartoq.

Imm. 3. Oqariartaaseq "immikkoortortami konto pioreersoq" isumaqarpoq konto pioreersoq, immikkoortortamit ataatsimit arlalinnilluunniit pigineqartoq.

Imm. 4. Oqariartaaseq "appassisumik nalilinnut konto" isumaqarpoq inuup kontoa pioreersoq ulloq 31. december 2015-imi 6,83 mio. kr.-it sinnernagit ataatsimut uninngasuutilik imaluunniit nalilinnik peqarfusoq.

Imm. 5. Oqariartaaseq "qaffasissumik nalilinnut konto" isumaqarpoq inuup kontoa pioreersoq ulloq 31. december 2015-imi imaluunniit ukiuni kingusinnerusuni arlaanniluunniit 31. decembarimi 6,83 mio. kr.-it sinnerlugit ataatsimut uninngasuutilik imaluunniit nalilinnik peqarfusoq.

Imm. 6. Oqariartaaseq "immikkoortortami konto nutaaq" isumaqarpoq konto nutaaq, immikkoortortamit ataatsimit arlalinnilluunniit pigineqartoq.

§ 32. Oqariartaaseq "konto, ilaatinneqanngitsaq" isumaqarpoq §§ 33 – 39-imi eqqaaneqartut kontot arlaat.

§ 33. Soraarnerussutisianut konto, piumasaqaatinik tulliuuttunik naammassinnittoq, tassaavoq "konto, ilaatinneqanngitsaq":

- 1) konto inuup soraarnerussutisianut kontoatut malittarisassaqaartinneqarpoq imaluunniit nalunaarsukkanut ilaalluni imaluunniit soraarnerussutisianut akiliutit akilerneqartarneri pillugit soraarnerussutisianut aqqissuussinermik malittarisassaqaartinneqarluni, tassunga ilanngullugit innarluutilinnut akiliutit imaluunniit toqusoqarnerani tunniunneqartartut,
- 2) konto akileraartarnikkut iluaquserneqarsimavoq, tassa imaappoq kontomit akiliutit, akileraarutaasussaagaluartut, ilanngaaticigineqarsinnaatitaapput imaluunniit kontomik piginnittup tamakkiisumik isertitaanit ilanngaaticigineqarlutik imaluunniit appasinerusumik akileraarusersorneqarlutik, imaluunniit kontomit aningaasaliinermi isertitat akileraarusersorneri kinguartinneqarlutik imaluunniit

appasinnerusumik akileraaruserneqarlutik,

3) konto pillugu paasissutissat Akileraartarnermut Aqutsisoqarfimmut nalunaarutigineqassapput,

4) tunniussinissanut piumasaqaataavoq soraarnerussutisiaqartussatut aalajangersimasunik ukioqalersimaneq, innarluuteqarneq imaluunniit toqusoqarnera, taamaattoqanngippat aningaasat tigusissaannut akuersisoqaaqqaartariaqassaaq, pisut aalajangersimasut taakku sioqqullugit pisussamik, aamma

5) imaluunniit:

a) ukiumoortumik akiliutit 341.000 kr.-inut taakkuluunniit inorlugit killilernerqarsimassapput, imaluunniit

b) akiliutit inuunerup ingerlanerani kontomut akilernerqarsinnaasut 6,83 mio kr.-inut taakkuluunniit ataallugit killilernerqarsimassapput

c) pissutsini marluusuni malittarisassat kontonik kattussisarnerit aningaasallu nalinginik naatsorsueqqittarnerit pillugit §§ 98-101-ini pineqartut atorlugit.

Imm. 2. Aningaaserivimmi kontop, allatigut imm. 1, nr. 5-imi piumasaqaatinik naammassinnittup, piumasaqaatit taakku aamma naammassissavai, aningaaserivimmi konto taamatut ittoq pigisanik nalilinnik aningaasanilluunniit tigusissagaluarpalluunniit, paragraffimi matumani imaluunniit § 34-mi piumasaqaatinik naammassinnittumik aningaaserivimmi kontomit ataatsimiit arlalinnilluunniit nuunneqartut imaluunniit soraarnerussutisianut aningaasaateqarfimmit ataatsimit arlalinnilluunniit §§ 15-17-imi piumasaqaatinik naammassinnittuniit.

§ 34. Konto, piumasaqaatinik tulluuttunik naammassinnittoq tassaavoq "konto, ilaanngitsoq":

1) konto soraarnerussutisianut allaanerusunut siunertanut allanut aningaasalersuineri sakkutut malittarisassiorneqarpoq aamma pappiaranik aningaasanik niuerfinni pilersinneqarsimasumi akuttunngitsumik niuertoqartarluni imaluunniit konto soraarnerussutisianut allaanerusunut siunertanut allanut ileqqaarnissatut sakkussatut malittarisassiorneqarsimalluni,

2) konto akileraartarnikkut iluaquserneqarsimavoq, tassa imaappoq kontomit akiliutit, akileraarutaasussaagaluartut, ilanngaatigineqarsinnaatitaapput imaluunniit kontomik piginnittup tamakkiisumik isertitaanit ilanngaatigineqarlutik imaluunniit appasinnerusumik akileraarusersorneqarlutik imaluunniit kontomit aningaasaliineri isertitat akileraarusersorneri kinguartinneqarlutik imaluunniit appasinnerusumik akileraaruserneqarlutik,

3) aningaasat tigusissaannut piumasarineqarpoq aningaasalersuineri imaluunniit ileqqaarnermi kontomi siunertanut tunngasuni piumasaqaatit aalajangersimasut naammassineqassasut, soorlu assersuutigalugu ilinniartitaanikkut pisartakkanik imaluunniit napparsimangersiutinut tigusinerit, taamaattoqanngippat aningaasat tigusissaannut akuersisoqaaqqaartariaqassaaq, pisut aalajangersimasut taakku sioqqullugit pisussaq, aamma

4) ukiumoortumik akiliutit 341.000 kr.-inut taakkuluunniit inorlugit killilernerqarsimapput kontonik kattussisarnerit aningaasallu nalinginik naatsorsueqqittarnerit pillugit §§ 98-101-ini pineqartut atorlugit.

Imm. 2. Aningaaserivimmi kontop, allatigut imm. 1, nr. 4-imi piumasaqaatinik naammassinnittup, piumasaqaatit taakku aamma naammassissavai, aningaaserivimmi konto taamatut ittoq pigisanik nalilinnik aningaasanilluunniit tigusissagaluarpalluunniit, paragraffimi matumani imaluunniit § 33-mi piumasaqaatinik naammassinnittumik aningaaserivimmi kontomit ataatsimiit arlalinnilluunniit nuunneqartut imaluunniit soraarnerussutisianut aningaasaateqarfimmit ataatsimit arlalinnilluunniit §§ 15-17-imi piumasaqaatinik naammassinnittunit.

§ 35. Inuunermut sillimmasiinermut isumaqatigiissut piffissami aalajangersimasumi atuuttoq, inuup sillimmaserneqartup 90-inik ukioqalernissaa sioqqullugu naasussaq tassaavoq "konto, ilaanngitsaq", naatsorsuutigalugu isumaqatigiissutip piumasaqaatit makku naammassigai:

- 1) piffissakkaartumik akiliutit, piffissap ingerlanerani milliartunngitsut, piffissami isumaqatigiissutip atuunnerani ikinnerpaamik ukiumut ataasiarluni akilerneqartartut, imaluunniit sillimmaserneqarsimasup 90-inik ukioqalernissaata tungaanut, piffissaq sorliup sivikinnerunera apeqqutaalluni,
- 2) aningaasanik tigusermi, taarsigassarsinermi imaluunniit allatigut inuup pissarsiarisinnaasaanut isumaqatigiissut isumaqatigiissutitut naleqanngilaq, isumaqatigiissut atorunnaarsinneqanngippat,
- 3) aningaasat, toqusoqarnerani tigussanngortinneqartut eqqaassanngikkaanni, isumaqatigiissut atorunnaarsinnerani imaluunniit taamaatinneqarnerani tiguneqartussat isumaqatigiissut pillugu akiligassat akiliutigineqarsimasut tamarmiusut sinnissanngilai, toqusoqarneranut napparsimasoqarneranullu atatillugu aningaasartuutit tamarmiusut ilanngaatilugit, isumaqatigiissutip ingerlanerani piffissamut imaluunniit piffissanut piviusumik akileqquneqarsimanerat apeqqutaatinagu, aamma aningaasat isumaqatigiissutip atorunnaarsinnera imaluunniit naanera sioqqullugu akilerneqarsimasut, aamma
- 4) isumaqatigiissut akiliuteqarluni pissarsisumit pigineqanngilaq.

§ 36. Konto, taamaallaat toqusup piinit pigineqartoq tassaavoq "konto, ilaanngitsaq", taamatut kontomut uppersaat toqusup kingornutassiissutaanut imaluunniit toqusup allagartaata assilineranik imaqarpat.

§ 37. Konto, pissutsit uku tulluuttut arlaannut atatillugu pilersinneqarsimappat tassaavoq "konto, ilaanngitsaq":

- 1) eqqartuussivimmi aalajangiineq pineqaatissiinerluunniit.
- 2) illumik imaluunniit inuup pigisaanik tunisineq, paarlaassineq imaluunniit attartortitsineq, kontop piumasaqaatit uku naammassisimappagit:
 - a) konto taamaallaat akiliinikkut, siumoornikkut imaluunniit pisussaaffik nuussinermut toqqaannartumik atassuteqartoq qulakkeerniarlugu aningaasanik tulluurtunik qularnaveeqqusikkanik, imaluunniit illumik imaluunniit inuup pigisaanik tunisinermut, paarlaassinermut imaluunniit attartortitsinermut atatillugu kontomi toqqorneqartunik aningaasanik pigisanit assingusumik akilerneqarluni imaluunniit akilersorneqarluni aningaasalersorneqarpoq,
 - b) konto illup imaluunniit pigisat pisiarineranni akiinik akiliinissamut pisisup pisussaaffia taamaallaat qulakkeerniarlugu pilersinneqarpoq, pisussaaffigisinnaasat tamaasa isumaginissaanut tunisisup pisussaaffia imaluunniit illumut attartorneqartumut attuumassuteqartunik ajoqusikkanut akiliinissamut attartortitsisup imaluunniit attartortup pisussaaffia imaluunniit attartornermut atatillugu isumaqatigiissutigineqartut pigisat attartorneqartut,
 - c) kontomi pigisat nalillit, tassunga ilanngullugit tassannga iluanaarutit, tiguneqassappat imaluunniit pisisumut, tunisisumut, attartortitsisumut imaluunniit attartortumut arlaatigut agguarneqarlutik, tassunga ilanngullugu inuup taassuma pisussaaffii naammassiniarlugit, illu imaluunniit pigisat tunineqarpata, paarlaanneqarpata imaluunniit tunniunneqarpata, imaluunniit attartorneq atorunnaarpat,
 - d) konto tassaangilaq nalilinnik pisinissamut konto imaluunniit assingusoq konto aningaasatigut pigisanik tunisinermut imaluunniit paarlaassinermut atatillugu pilersinneqarsimasoq, aamma

- e) konto § 38-imi allaaserineqartumut kontomut atassuteqanngilaq,
- 3) aningaaseriviup, illumi qularnaveeqqusiilluni taarsigassarsitsippat, akileraarutit imaluunniit kingusinnerusukkut illumut atatillugu sillimmasiinerit akilersinnaanngornissaat taamaallaat siunertaralugu akiliutip ilaata immikkoortinneqarnissaanut pisussaaffia.
- 4) aningaaseriviup kingusinnerusukkut akileraarutit akilernissaannut taamaallaat oqilisaassinissamut pisussaaffia.

§ 38. Aallaqqaasiutitut akiliutitut konto, piumasaqaatinik ukuninnga naammassinnittoq, tassaavoq "konto, ilaanngitsoq":

- 1) konto taamaallaat atuuppoq, sullitaq korti atorlugu akiliissammat imaluunniit allatigut akiitsoqarallartitsisinnaammat, sinneqartumillu akiliineq ingerlaannartumik sullitamut utertinneqarnani, aamma
- 2) aningaaserivik kingusinnerpaamik ulloq 1. januar 2016-imi politikiliussaaq suleriaasiliorlunilu, sullitap 341.000 kr.-it sinnerlugu sinneqartumik akiliinissaanut pinngitsoortitsinissamut siunertaqartumik imaluunniit aningaasat taakku sinnerlugit sullitamiit sinneqartumik akiliinerit suulluunniit ullut 60-it iluanni sullitamut utertinneqarnissaannik qulakkeerineq, pisuni marlunni nunat aningaasaannut naatsorsuineq pillugu §§ 98-101-imi eqqartorneqartunik maleruagassat atorneqassapput. Tassunga atatillugu sullitamiit sinneqartumik akiliineq akiliinerit isumaqatigiinnngissutaasut eqqarsaatigalugit akiligassanut innersuussinngillat, taamaattorli nioqqutissat utertinneranniit akiligassanut tunngasuullutik.

§ 39. Kontot tulluuttut "kontot, ilanngitsut"-tut isigineqarput:

- 1) soraarnerussutisianik aaqqissuussinerit soraarnerussutisiat akileraarusersorneri pillugit inatsimmi kapitali 1-imut ilaasut.
- 2) ilinniagaqartunut kontot ilinniagaqarnersiutit pillugit Inatsisartut inatsisaat malillugu pilersinneqarsimasut
- 3) pensionisialinnut kontot isertitaneq akileraarusiisarneq pillugu inatsimmi kapitali 4 a malillugu soraarnerussutisiaqalernissaq siunertaralugu ileqqaagaasunut.

Konto nalunaarutigineqartussaataitaasoq

§ 40. Oqariartaaseq "konto nalunaarutigineqartussaataitaasoq" isumaqarpoq aningaaserivimmi konto, aningaaserivimmit nalunaaruteqartussamit ingerlanneqartoq aamma inummit ataatsimit arlalinnilluunniit pigineqartoq, taanna pillugu nalunaaruteqartussaalluni, imaluunniit akiitsulimmit NFE-mit inummik ataatsimik arlalinnilluunniit nakkutilliisulik taakku inuullu nalunaarutigineqartussat, naatsorsuutigalugu taanna kapitali 3-8-mi allaaserineqartut peqqissaartumik periuseqarnissaq pillugu suleriaatsit naapertorlugit kinaassuseqartutut uppersarneqarsimasoq.

Imm. 2. Oqariartaaseq "konto nunanut allanut, Savalimmiunut imaluunniit Danmarkimut atassuteqartoq" isumaqarpoq aningaaserivimmi konto, aningaaserivimmit nalunaaruteqartussamit ingerlanneqartoq, aamma nunani allani, Savalimmiuni imaluunniit Danmarkimi inummit ataatsimit arlalinnilluunniit pigineqartoq, imaluunniit akiitsulimmit NFE-mit nunani allaniittumik, Savalimmiuniittumit imaluunniit Danmarkimiittumit inunnit nakkutilliisumit ataatsimit arlalinnilluunniit, naatsorsuutigalugu taanna kapitali

3-8-mi allaaserineqartut tulluurtumik peqqissaarnissaq pillugu suleriaatsit naapertorlugit kinaassuseqartutut uppersarneqarsimasooq.

§ 41. Oqariartaaseq "inuk nalunaarutigineqartussaq" isumaqarpoq inatsisitigut oqartussaaffimmi peqataasumi inuk, tassaanngitsoq:

- 1) ingerlatseqatigiiffik, aktiaatai akuttunngitsumik pappiaranik aningaasanik nalilinnik niuerfimmi pilersinneqarsimasumi ataatsimi arlalinniluunniit niuerutigineqartut,
- 2) ingerlatseqatigiiffik, nr. 1-imi allaaserineqartumik ingerlatseqatigiiffimmut immikkoortortamut atasoq,
- 3) pisortat immikkoortortaqaarfik,
- 4) nunanit tamalaaneersut kattuffiat,
- 5) qitiusumik aningaaserivik imaluunniit
- 6) aningaasaliisarfik.

§ 42. Oqariartaaseq "inatsisitigut oqartussaaffimmi peqataasumi inuk" isumaqarpoq inuk imaluunniit immikkoortortaq inatsisitigut oqartussaaffimmi tassani akileraartarnikkut inatsisit malillugit inatsisitigut oqartussaaffimmi allami najugaqartoq imaluunniit inuup toqusimasup inatsisitigut oqartussaaffimmi allami najugaqarsimasup kingorna toqusup pigisai.

Imm. 2. Oqariartaaseq "inuk nunani allani, Savalimmiuni imaluunniit Danmarkimi" isumaqarpoq inatsisitigut oqartussaaffit tamaasa eqqarsaatigalugit inuk imaluunniit immikkoortortaq inatsisitigut oqartussaaffimmi pineqartumi akileraartarnikkut inatsisit malillugit inatsisitigut oqartussaaffimmi allami najugaqartoq imaluunniit inuup toqusimasup inatsisitigut oqartussaaffimmi allami najugaqarsimasup kingorna toqusup pigisai.

Imm. 3. Imm. 1 aamma 2-p atorineqarnerini Immikkoortortaq assersuutigalugu soqutigisaqaqatigiit, kommanditselskabi assigisaaluunniit inatsisitigut aqqissuussaq, akileraartarnikkut angerlarsimaffeqanngitsoq, sumiiffimmi aqutsissut sumiiffigisaanni inatsisitigut oqartussaaffimmi najugaqartutut isigineqarpoq.

Imm. 4. Imm. 3-p atorineqarnerani inatsisitigut oqartussaaffimmi pineqartumi akileraartarnikkut inatsisit malillugit inatsisitigut oqartussaaffimmi peqataasumi Immikkoortortatut akileraartartussaannngitsutut isigineqanngippata inatsisitigut pisussaaffilik pisinnaatitaasorlu imaluunniit inatsisitigut aqqissuussineq assigisumik inatsisitigut aqqissuussinertut isigineqassaaq. Aningaasaateqarfik Akiitsulittut NFE-usoq, marloqiusamik nalunaaruteqartarnissap pinngitsoornissaa siunertaralugu, assingusumik inatsisitigut aqqissuussinertut isigineqanngilaq.

§ 43. Oqariartaaseq "inatsisitigut oqartussaaffik peqataasooq" isumaqarpoq

- 1) inatsisitigut oqartussaaffik alla, kapitali 9-mi allassimasunik paasissutissat pissarsiarinissaannut inatsisitigut oqartussaaffimmi taassuminnga Kalaallit Nunaata isumaqatigiissuteqarfigisimasaa.

§ 44. Oqariartaaseq "inuit nakkutilliisut" isumaqarpoq inuit immikkoortortamik nakkutilliisut.

Imm. 2. Aningaasaateqarfik eqqarsaatigalugu oqariartaaseq taanna isumaqarpoq pilersitsisoq(sut), aqutsisoq(sut), immaqalu illersuisoq(sut), iluaquserneqartoq(tut) imaluunniit iluaquserneqartut assigiinngitsut aamma inuk ataaseq allat arlallit, naggataatigut aningaasaateqarfimmi nakkutilliisut, aamma aningaasaateqarfimmit allaanerusoq inatsisitigut aqqissuussineq alla eqqarsaatigalugu

oqariartaaseq isumaqarpoq inuit taamaaqataanik assigisaanilluunniit inissisimasut.

Imm. 3. Oqaaseq "inuit aqutsisuusut" financial action task force-mit kaammattuutigineqartut naapertorlugit nassuiarneqassapput.

§ 45. Oqariartaaseq "NFE" (anigaaserivunngitsumi immikkoortortaq – non financial entity) isumaqarpoq Immikkoortortaq, Anigaaserivunngitsaq.

§ 46. Oqariartaaseq "NFE ingerlanngitsaq" isumaqarpoq

1) NFE, NFE ingerlasuunngitsaq, imaluunniit

2) § 8, imm. 1, nr. 2-mi allaaserineqartoq anigaasalersuisarfik, inatsisitigut oqartussaaffiusumi peqataasumi anigaaserivunngitsaq.

§ 47. Oqariartaaseq "NFE sulisoq" isumaqarpoq NFE, piumasaqaatinik makkuninnga naammassinnittoq:

1) qaammatisiutit ukiuannut siuliusumut imaluunniit piffissamut nalunaaruteqarfiusussaasumut

attuumassuteqartumut allamut NFE-p tamakkiisumik isertitaasa 50 pct.-imik ikinnerusut sulinani

isertitaasut, aamma qaammatisiutit ukiuannut siuliusumut imaluunniit piffissamut

nalunaaruteqarfiusussaasumut attuumassuteqartumut allamut pigisat nalillit NFE-mit pigineqartut 50

pct.-imik ikinnerusut tassaasut pigisat nalillit, sulinani isertitanik amerlisaanissaq siunertaralugu

amerlisarneqartut imaluunniit pigineqartut.

2) NFE-mi piginneqataassutit pappiaranik anigaasanik nalilinnik niuernermi pilersinneqarsimasut

akuttunngitsumik niuernutigineqartartut imaluunniit NFE immikkoortortamut atasuulluni

immikkoortortaavoq, tassani piginneqataassutit pappiaranik anigaasanik nalilinnik niuernermi

pilersinneqarsimasut akuttunngitsumik niuernutigineqartartut.

3) NFE tassaavoq pisortani immikkoortortaq, nunani tamalaani suleqatigiiffik, qitiusumik anigaaserivik

imaluunniit immikkoortortaq tamakkiisumik qulaani allassimasumi arlalinnilluunniit pigineqartoq.

4) NFE-mi ingerlatat tamakkusallutik tassaapput, tamakkiisumik ilaannakortumilluunniit

ingerlatseqatigiiffimmi pigisami ataatsimi arlalinnilluunniit niuernermik ingerlataqartoq imaluunniit

anigaaserivimmit allaanerusumi niuernermik ingerlataqartumi aktianik pigisanik atulersinneqartunik

imaluunniit anigaasalersuisumik kiffartuussisumillu pigisaqarneq, ilanngunnagilli immikkoortortaq

taamatut inissisimanissamut piukkunnaateqanngitsaq, immikkoortortaq anigaasalersuisarfittut

ingerlataqarpat imaluunniit ingerlatsisuusaarpat, assersuutigalugu private equity-fond,

annaasaqaataasinnaasunut anigaasaatinut anigaasaateqarfik, leveraged buyout-fond imaluunniit

anigaasalersuisarnermi sakku, ingerlatseqatigiiffinnik pissarsinissamik imaluunniit

anigaasalersuinissamik siunertaqartoq tamatumalu kingorna ingerlatseqatigiiffinni taakkuni

anigaasalersuinissamut siunertanut sanaartornermi pigisatut piginneqataassutitut pigalugit.

5) NFE suli niuernermik ingerlataqanngilaq aamma siusinnerusukkut ingerlatsinermit

oqaluttuassartaqarnani, kisianni anigaaserivimmi ittumit suliffimmit allaanerusumik niuernermik allamik

ingerlatsinissamut siunertaqartumik anigaasaatini piginneqataassutitut anigaasaliissutigalugit,

naatsorsuutigalugu NFE-p aallaqqaammut pilersinneqarneranut ullormiit qaammatit 24-it kingorna ullup

kingorna taamatut ilaatitsinnginnermut NFE pisinnaatitaanngitsaq.

6) NFE ukiuni kingullerni tallimani anigaaseriviusimanngilaq aamma pigisani nalillit tunilerlugit

imaluunniit anigaaserivimmi ittumit suliffimmit allaanerusumik niuernermik allamik ingerlatsinissap

nanginnissaanik imaluunniit aallarteqqinneqarnissaanik siunertarluni allanngorluni aaqquissuussilersoq. 7) NFE tassaanneruvoq Immikkoortortat atassuteqartut, aningaaserivunngitsut peqatigalugit imaluunniit sinnerlugit aningaasalersuineramik imaluunniit hedgemi nuussisarnernik suliaqartartoq aamma immikkoortortamut arlaannulluunniit, immikkoortortamut atasuunngitsumut aningaasalersuinngitsaq imaluunniit hedgemut akiliuteqarneq ajortoq, naatsorsuutigalugu immikkoortortat atasut taamatut ittut aningaaserivimmit ittumi suliffimmik allaanerumik niuernikkut ingerlataqarnermik allamik annerusumik ingerlataqartuullutik.

8) NFE-p piumasaqaatit tulluuttut uku tamaasa naammassissavai:

- a) inatsisitigut oqartussaaffimmi najugaqarfigisamini pilersinneqarsimavoq ingerlanneqarlunilu, taamaallaat upperisarsiornermik, ajunngitsuliornermik, ilisimatusarnermik, eqqumiitsuliornermik, kulturimik, timersornermik imaluunniit ilinniartitaanermik siunertaqartoq, imaluunniit inatsisitigut oqartussaaffimmi najugaqarfigisamini pilersinneqarsimavoq ingerlanneqarlunilu, aamma sulianut tunngasuni suleqatigiiffiulluni, inuussutissarsiortut kattuffigalugu, niuertut kattuffigalugu, sulisartut kattuffigalugu, nunaatilli imaluunniit naasorissaasut suleqatigiiffigalugu, innuttaasut peqatigiiffigalugu imaluunniit suleqatigiiffik inuit atugarissaarnerannik siuarsaanermik taamaallaat ingerlataqartoq,
- b) inatsisitigut oqartussaaffimmi najugaqarfigisamini isertitat akileraarusersornissaannut ilaatinneqanngilaq,
- c) piginneqataasoqanngilaq imaluunniit ilaasortaqaanngilaq taassuma isertitaanik imaluunniit pigisaanik nalilinnik piginnittumik imaluunniit inatsisit malillugit piginneqataasumik,
- d) inatsisitigut oqartussaaffigisami, NFE-p najugaqarfigisaani inatsisit atuuttut imaluunniit NFE-p pilersinneqarnerani uppersarsaatit NFE-p isertitaasa ilaanik pissarsinissaq akuerineqanngilaq imaluunniit pigisat nalillit inuinnarnut imaluunniit immikkoortortamut ajunngitsuliortuunngitsumut iluaqutaasunik agguagarsisitsisarani, NFE-p ajunngitsuliorluni ingerlataanik ingerlataqarnerup malitsigisai, imaluunniit kiffartuussisimanermut naammaginartumik akissarsiatut akiliutitut imaluunniit akiliutit NFE-p pisiarisimasai illut pigisalluunniit niuerfimmi nalinginut naammaginartumik naapertuuttut eqqaassanngikkaanni, aamma
- e) inatsisitigut oqartussaaffigisami, NFE-p najugaqarfigisaani inatsisit atuuttut, NFE-p pilersinneqarnerani uppersarsaatit piumasarippassuk NFE-p pigisai nalillit tamarmik immikkoortortap akiliisinnaajunnaarnerani atorunnaarsinneraniluunniit Pisortani immikkoortortamut imaluunniit allamut iluanaaruteqarniarluni suleqatigiiffimmut agguagassarsianngortinneqassapput imaluunniit naalakkersuisunut inatsisitigut oqartussaaffigisami, NFE-p najugaqarfigisaaniittumut tussallutik imaluunniit tassani politikikkut immikkoortortamut.

Assigiinngitsut

§ 48. Oqariartaaseq "kontomik piginnittoq" isumaqarpoq inuk aningaaseriviup kontomik ingerlatsisup pilersissimasaa imaluunniit aningaaserivimmi kontomik piginnittut kinaassusiatut uppersarsimasaa. *Imm. 2.* Inuk, aningaaserivunngitsaq, aamma inuup allap piginnaatitaatut, toqqorsisuatut, aqutsisuatut, atsiorsinnaatitaasuatut, aningaasalersuinermi siunnersuisuatut imaluunniit akunnermiliuttuatut iluaqutaasumik taassuma akiligaanik aningaaserivimmi kontomik piginnittut kontomi piginnittusut isigineqanngilaq, taannalu inuk alla kontomik piginnittut isigineqarluni.

Imm. 3. Sillimmasiineramik isumaqatigiissut aningaasanik naleqartoq imaluunniit taarsigassarsiat

assigiiaartumik taarsersorneqarnissaannik isumaqatigiissut eqqarsaatigalugit kontomik piginnittoq tassaavoq kinaluunniit inuk, aningaasat nalinginut pissarsisinnaatitaasoq imaluunniit isumaqatigiissut malillugu iluaqusiinermik allannguisinnaasoq. Inuit arlaannaalluunniit aningaasat nalinginut pissarsisinnaanngippata imaluunniit iluaqusiineq allanngortissinnaanngippagu, kontomik piginnittoq tassaassaaq kinaluunniit inuk isumaqatigiissummi piginnittut eqqaaneqartoq aamma kinaluunniit inuk isumaqatigiissummi piumasaqaatit malillugit inuttut akiliinissamut pisussaaffeqartoq. Sillimmasiinermik isumaqatigiissut aningaasanik naleqartoq imaluunniit taarsigassarsiat assigiiaartumik taarsersorneqarnissaannik isumaqatigiissut naapertorlugu aningaasanik tigusinerit aallartinneqarpata inuk kinaluunniit, isumaqatigiissut malillugu akiliutinik tigusinissamut pisinnaatitaasoq, kontomik piginnittut isigineqassaaq.

§ 49. Oqariartaaseq "AML/KYC-mi suleriaatsit" isumaqarpoq pinerlunnikkut aningaasarsiat aningaaserivimmit inissinneqartarneri pillugu inatsit imaluunniit piumasaqaatit taamaaqatai, aningaaseriviup nalunaaruteqartussaataitaasup malitassai malillugit sullitanut naleqqiullugu tulluurtumik peqqissaarnissaq pillugu aningaaseriviup nalunaaruteqartussaataitaasup suleriaasia.

§ 50. Oqariartaaseq "immikkoortortaq" isumaqarpoq inatsisitigut pisinnaatitaasoq pisussaasorlu imaluunniit inatsisitigut aaqqissuussineq soorlu ingerlatseqatigiiffik, soqutigisaqaqatigiiffik, aningaasaateqarfik.

§ 51. Immikkoortortaq "immikkoortortamut atasumut" immikkoortortamut allamut atassaaq

- 1) immikkoortortat arlaata Immikkoortortamik allamik nakkutilliippat,
- 2) immikkoortortat taakku marluk ataatsimut nakkutigineqarpata, imaluunniit
- 3) immikkoortortat taakku marluk tassaappata § 8, imm. 1, nr. 2-mi allaaserineqartut aningaasalersuisarfimmi immikkoortortasut ataatsimoortillugit aquanneqarpata, taamatullu aqutsinerup aningaasalersuisarfinni immikkoortortanut taamatut ittunut tulluurtumik peqqissaarnissaq pillugu pisussaaffinnik naammassinnippat.

Imm. 2. Imm. 1-ip atorneqarneranut ilaavoq immikkoortortami taasinerit nalingatalu 50 pct.-it sinnerlugit toqqaannartumik toqqaannangitsumilluunniit piginnittuunermik nakkutilliineq.

§ 52. Oqariartaaseq "akileraartartup normua" isumaqarpoq akileraartartussaasup kinaassusiatut normua, imaluunniit akileraartartup normuanik peqannginnermi siunertamut tassunga naapertuuttoq.

§ 53. Oqariartaaseq "uppernarsaatit allagartaq"-mut ilaapput tulluuttuni ataaseq arlallilluunniit:

- 1) nunap najugarisap uppernarsaataa oqartussatut immikkoortup piginnaatitaasup atulersitaa, soorlu assersuutigalugu naalagaaffimmi oqartussat, oqartussani immikkoortoq alla imaluunniit kommuni, inatsisitigut oqartussaaffigisami akiliinermik tigusisuusup najugaqarfigisaatut oqaatigisaani.
- 2) inuk eqqarsaatigalugu: Uppernarsaat atuuttoq sunaluunniit oqartussani immikkoortumit piginnaatitaasumit atuuttussanngortinneqarsimasooq, soorlu assersuutigalugu naalagaaffimmi oqartussat, oqartussani immikkoortoq alla imaluunniit kommuni, inuup aqqa ilaasoq, amerlanertigullu kinaassutsip uppernarsarnissaanik siunertanut atorneqartartoq.
- 3) immikkoortortaq eqqarsaatigalugu: Uppernarsaat atuuttoq sunaluunniit oqartussani immikkoortumit

piginnaatitaasumit atuuttussanngortinneqarsimasooq, soorlu assersuutigalugu naalagaaffimmi oqartussat, oqartussani immikkoortoq alla imaluunniit kommuni, immikkoortortap aqqa aamma inatsisitigut oqartussaaffigisami taassuma qullersaqarfiata najugaqarfigisaatut oqaatigisaani najugaa ilaalluni, imaluunniit inatsisitigut oqartussaaffik, immikkoortortap nalunaarsorsimaaffigisaa imaluunniit pilersinneqarfia.

4) ukiumut naatsorsuutit kukkunersiukkat, peqataanngitsup allap akiligassat pillugit nalunaarusiaa, akiliisinnaajunnaarnermik qinnuteqarneq imaluunniit pappiaranik aningaasanik nalilinnik nakkutilliisunit oqartussanit nalunaarusiaq.

Imm. 2. Immikkoortortap qullersaqarfiata najugaa nalinginnaasumik tassaavoq sumiiffik piviusumik aqutsisut sumiiffigisaat. Immikkoortortap kontomi ingerlatsiffigisaani aningaaseriviup najugaani postboks imaluunniit najugaq, taamaallaat allakkanik nassiussinernut atorneqartoq, tassaannngilaq Immikkoortortap qullersaqarfiata najugaa, najugaq taamatut ittoq immikkoortortami atorneqartutuaanngippat aamma immikkoortortap pilersinneqarneranut uppersarsaatini Immikkoortortap najugaatut nalunaarsugaasutut saqqumippat. Aammattaaq najugaq, najukkamut pineqartumut allakkat tamarmik toqqorsimanissaat pillugu ilitersuummi allassimasooq, tassaannngilaq immikkoortortap qullersaqarfiata najugaa.

Imm. 3. Immikkoortortap kontoa pioreersoq eqqarsaatigalugu aningaaseriviit nalunaaruteqartussaataitasut uppersarsaatitut allagartatut aningaaseriviup nalunaaruteqartussap kontomik piginnittumi toqqorsivini immikkoortiterineq sunaluunniit atorsinnaavaa, taanna suliffiup qanoq ittuuneranuk aqqissuussinermi assigiissaagaasut tunngavigalugit aalajangersagaasooq, AML/KYC-imi suleriaatsit allaluunniit malittarisassaqaartitsinermi siunertat siunertaralugit nalinginnaasumik niuernermik ingerlatsinera naapertorlugu aningaaseriviup nalunaaruteqartussamit nalunaarsorneqarsimasooq, akileraartarnikkut siunertat eqqaassanngikkaanni, aamma aningaaserivimmi kontop kontotut pioreersutut immikkoortiterinerani ullup siornatigut aningaaserivimmit nalunaaruteqartussamit isumagineqarsimasooq, naatsorsuutigalugu aningaaseriviup nalunaaruteqartussap taamatut immikkoortiterineq kukkusuusooq imaluunniit tatiginartuunngitsooq ilisimanagu imaluunniit ilisimassallugu tunngavissaqanngitsooq.

Imm. 4. Oqariartaaseq "suliffiup qanoq ittuuneranuk aqqissuussinermi assigiissagaq" isumaqarpoq ilisarnaatitigut aqqissuussineq, akileraartarnikkut siunertanut allaanerusunut suliffeqarfiit qanoq ittuuneri malillugit suliffeqarfiit immikkoortiterinerinut atorneqartartoq.

Kapitali 2

Nalunaarsuineq

§ 54. Aningaaserivik nalunaarsuisuusooq aningaaserivittut nalunaarsuisutut inissinnermi kingorna kingusinnerpaamik ullut arfineq pingasut qaangiutsinnagit tamanna pillugu Akileraartarnermut Aqutsisoqarfimmut nalunaaruteqassaaq.

Imm. 2. Nalunaarneq immikkut immersuuffissakkut, Akileraartarnermut Aqutsisoqarfimmi pissarsiarineqarsinnaasumi ingerlanneqarsinnaavoq imaluunniit Akileraartarnermut Aqutsisoqarfup erseqqinnerusumik ilitersuussineratigut elektroniskimik isumagineqarsinnaalluni.

Imm. 3. Suliffeqarfik aningaaserivimmut nalunaaruteqartussamut ilaanersooq pillugu nalornineq nalunaaruteqannginnissamut pisussaatisinngilaq. Taamatut pisuni nalunaarummut ilanngunneqassaaq suliffeqarfik nalunaaruteqartussaataitasooq pillugu nassuiaat, tamatumalu kingorna Akileraartarnermut

Aqutsisoqarfik nalunaarsuineq pillugu aalajangiissalluni.

Imm. 4. Nalunaaruteqarnermi aningaaserivik nalunaaruteqartoq uku pillugit paasissutissiissaaq

- 1) ateq, najugaq kommunilu najugaq,
- 2) taassuma ger-normua,
- 3) aningaaserivittut nalunaaruteqartussatut inissisimalernerup atuutilerneranut ulloq aamma
- 4) nalunaaruteqartussaaitaanerup qanoq ittuunera.

Imm. 5. Aningaaserivik nalunaaruteqartussaq GER-normoqarluni nalunaarsugaanngippat nalunaarsuiffiit taakku arlaanni nalunaarsuisoqassaaq.

Imm. 6. Nalunaarsuinerup kingorna nalunaarsorneqarnermut uppersarsaat nalunaarsuinermi paasissutissanik imaqartoq Akileraartarnermut Aqutsisoqarfiup aningaaserivimmut nalunaaruteqartussamut nassiutissavaa.

Imm. 7. Nalunaarsuinerup kingorna paasissutissani nalunaarutigineqartuni allanngortoqarpat, tassunga ilanngullugu aningaaserivittut nalunaaruteqartartutut inissisimanerup atorunnaarnera, imaluunniit paasissutissani nalunaarsorneqartuni kukkusoqarsimanera paasineqarpat, allannguinerup pineraniit imaluunniit kukkunerup paasineraniit ullut arfineq pingasut qaangiutsinnagit tamanna pillugu nalunaaruteqartussaaitaasoq Akileraartarnermut Aqutsisoqarfimmut allakkatigut nalunaaruteqassaaq. Tamatuma kingorna nalunaarsugaanermut uppersarsaat nutaaq Akileraartarnermut Aqutsisoqarfiup nassiutissavaa, aamma nalunaaruteqartussaaitaanerup naanerani nalunaarsugaanerup unitsinneqarnera pillugu nalunaaruteqarluni.

Kapitali 3

Peqqissaartumik periuseqarnermut tunngatillugu nalinginnaasumik piumasaqaatit

§ 55. Konto kapitali 3-8-imi peqqissaartumik periuseqarnissaq pillugu suleriaatsit naapertorlugit kontotut nalunaarutigineqartussaaffiusutut ullormiit taamatut suussuserneraniit suliarineqassaaq aamma kontomut nalunaarutigineqartussaaffiusumut tunngatillugu paasissutissat, allamik aalajangersaasoqanngippat, ukiup paasissutissanut tunngasuusut kingorna qaammatisiutit ukiuanni ukiumoortumik nalunaarutigineqartassapput.

§ 56. Aningaaserivik nalunaaruteqartoq, kapitali 3-8-mi suleriaatsit malillugit kontomik nunanut allanut, Savalimmiunut imaluunniit Danmarkimut atassuteqartumik paasisaqartoq, suleriaatsit naammassineqarnerini piffissami konto nalunaarutigineqartussaaffiunngitsoq, siunissami nalunaaruteqarnissamut pisussaaffiit naammassineqarnissaat siunertaralugu taamatut suleriaatsit inernerinik atuisinnaavoq.

§ 57. Kontomi killiffik imaluunniit nalit qaammatisiutit ukiuanni ullormi kingullermi aalajangersarneqassapput.

§ 58. Qaammatisiutit ukianni ullormi kingullermi killiffik imaluunniit nalit killingi aalajangersarneqarpata qaammatisiutit ukiuata pineqartup naanerani piffissami nalunaaruteqarfusussami ullormi kingullermi killiffik imaluunniit nali attuumassuteqartoq aalajangersarneqassaaq.

§ 59. Aningaaseriviit nalunaaruteqartut kontoni pioreersuni kontonut nutaanut atuuttut peqqissaartumik periuseqarnissamut suleriaatsit, aamma qaffasissumik nalilinnut kontonut, appasissumik nalilinnut kontonut atuuttunut peqqissaartumik periuseqarnissamut suleriaatsit atorsinnaavaat. Kontoni pioreersuni kontonut nutaanut atuuttut peqqissaartumik periuseqarnissamut suleriaatsit aningaaserivimmit atorneqarneri apeqqutaatinnagu, kontonut pioreersunut atuuttut allat maleruagassat sulit atuutissapput.

§ 60. Pisuni allanngornermut ilaavoq allanngorneq sunaluunniit, inuup killiffianut tunngasunik paasissutissanik nutaanik kinguneqartoq, imaluunniit allatigut inuup killiffianut akkerliisut. Pisuni allanngornermut aamma ilaavoq kontomik piginnittup kontoanut paasissutissanik allannguneq imaluunniit ilanngussineq, tassunga ilanngullugit kontomik piginnittumut atatillugu ilanngussineq, taarsiineq imaluunniit allannguinerit allat, imaluunniit kontot kattunnerat pillugu maleruagassat atornerini kontomut taamatut ittumut atasumut kontomut paasissutissanik allannguneq imaluunniit ilanngussineq, tak. §§ 98-100, paasissutissanik taamatut allannguneq imaluunniit ilanngussineq kontomik piginnittup killiffianut sunniuteqarpat.

Imm. 2. Aningaaserivik nalunaaruteqartoq § 62-imi allaaserineqartumik najugaqarfimmik misiliinermik atuisimappat, aamma pisuni allannguisoqarsimappat tamatuma kingunerisaanik aallaqqaammut uppersarsaatitut allagartaq imaluunniit taamaaqataanik uppersarsaat kukkusuusoq imaluunniit tatiginanngitsuusoq aningaaserivik nalunaaruteqartoq ilisimasaqalerluni imaluunniit ilisimasaqalernissamut tunngavissaqarluni, qaammatisiutit ukiuanni ullormi kingullermi imaluunniit nalunaarutip imaluunniit pisuni taamatut allannguisoqarsimaneramik paasisaqarnerup kingorna ullorsiummi ullut 90-it kingusinnerpaamik kingorna nammineq nalunaarummik aamma Uppersarsaammut allagartamik nutaamik, kontomik piginnittup akileraartarnikkut najugaqarfianik imaluunniit najugaqarfiinik aalajangersaasumik pissarsiniassaaq.

Imm. 3. Imm. 2 malillugu ulloq taanna sioqqullugu nammineq nalunaarummik aamma uppersarsaammut allagartamik nutaamik aningaaserivik nalunaaruteqartussaqq pissarsisinnaanngippat §§ 63-67-imi allaaserineqartutut elektronikikkut pigisani nalilinni ujaasinissamut suleriaaseq aningaaserivik nalunaaruteqartartup atussavai.

Kapitali 4

Inuup kontoinut pioreersunut peqqissaartumik periuseqarneq

Tamanut tunngasut

§ 61. Kapitali matumani suleriaatsit Inuit kontoinut pioreersut eqqarsaatigalugit atorneqarput.

Appasissumik nalilinnut kontot

§ 62. Aningaaserivik nalunaaruteqartoq uppersarsaarnermut allagartaq tunuliaqutaralugu kontomik piginnittunut ataasiakkaanut maannakkut najugarisaannut toqqusimappata, kontomik piginnittut ataasiakkaat taamaattut inuttut nalunaarutigineqartussaannersoq aalajangiiffiginiallugu

najugaqarfigisamiittut inatsisitigut oqartussaaffigisami akileraartarnikkut najugaqartutut kontomik piginnittut ataasiakkat inuttut aningaaseriviup nalunaaruteqartup suliarisarsinnaavai.

§ 63. § 62-imi aalajangersarneqartutut aningaaseriviup nalunaaruteqartup uppersaarnermut allagartaq tunuliaqutaralugu kontomik piginnittut ataasiakkaat maannakkut najugaqarfiat tunngaviginngippagu §§ 64-67-ip atorneqarnerani pasinartut uku siunertaralugit aningaaserivimmi nalunaaruteqartumi toqqortarineqartumi elektroniskimik ujaasiffigineqarsinnaasunik nalunaarsukkanik misissuissaaq:

- 1) kontomik piginnittup nunani allani, Savalimmiuni imaluunniit Danmarkimi najugaqartut kinaassusernera.
- 2) nunani allani, Savalimmiuni imaluunniit Danmarkimi maannakkut allakkatigut imaluunniit najugaqarfigisaaq, tassunga ilanngullugu postboksimi najugaq.
- 3) nunani allani, Savalimmiuni imaluunniit Danmarkimi oqarasuaatikkut ataatsimik arlalinnilluunniit normoqarneq aamma Kalaallit Nunaanni oqarasuaatikkut normoqannginneq.
- 4) aningaasat kontomut nunami allami, Savalimmiuni imaluunniit Danmarkimi ingerlanneqartumut pillugit ilitersuutit nuunneqarnissaat, aningaasaliinermi kontop eqqarsaatiginera ilanngunnagu.
- 5) inummut nunami allami, Savalimmiuni imaluunniit Danmarkimi najugaqartumut tunniussaaq piginnaatitsissut atuuttoq imaluunniit atsiorsinnaatitaaneq.
- 6) nunami allami, Savalimmiuni imaluunniit Danmarkimi toqqorsinissamut ilitersuut imaluunniit c/o-najugaq, kontomik piginnittumi najugaqarfimmik allamik aningaaserivik nalunaaruteqartoq nalunaarsugaqanngippat.

§ 64. § 63-imi allanneqartut pasinartut arlaat elektroniskimik ujaasinermi paasineqanngippata annertunerusumik iliuseqarnissamut pisussaaffeqanngilaq, pisuni allanngortoqarnissaata tungaanut, kontomut atatillugu ataatsimik arlalinnilluunniit pasinartoqalerpat, imaluunniit konto qaffasissumik naleqartutut kontonngorpat.

§ 65. § 63, nr. 1-5-imi allanneqartut pasinartut arlaat elektroniskimik ujaasinermi paasineqarpat imaluunniit pisuni allanngortoqarpat, kontomut atatillugu ataatsimik arlalinnilluunniit pasinartoqalerluni, aningaaseriviup nalunaaruteqartup kontomik piginnittoq nuani allani, Savalimmiuni imaluunniit Danmarkimi inatsisitigut oqartussaaffiusuni ataasiakkaani akileraartarnermikkut najugaqartutut suliarissavaa, § 67-ip atorneqarnissaa toqqarneqanngippat, aamma immikkoortumi tulluuttumi ilaatinneqanngitsut arlaat kontomut tassunga atuutilerluni.

§ 66. qqorsinissamut ilitersuut imaluunniit c/o-mi najugaq elektroniskimik ujaasinermi paasineqarpat aamma najugaq alla aamma § 63, imm. 1, nr. 1-5-imi allanneqarsimasut pasinartut arlaannaalluunniit kontomik piginnittumut suussuserneqanngippata aningaaserivik nalunaaruteqartoq pisuni naleqqunnerpaamik tulleriiaarluni

- 1) § 69, imm. 2-mi allaaserineqartutut pappiaranut toqqorsivinni ujaasineq atussavaa, aamma
- 2) kontomik piginnittumiit nammineq nalunaarummik imaluunniit uppersaammut allagartamik pissarsiniarniassaaq, tassani aalajangerneqarsinnaalluni kontomik piginnittumut tassunga akileraartarnikkut najugaqarfik ataaseq arlalilluunniit.

Imm. 2. Pappiaranik toqqorsivimmi ujaasineq pasinartunik nassaarfunngippat aamma nammineq nalunaarummik imaluunniit uppersaammut allagartamik pissarsiniarneq angusaqarfunngippat, aningaaserivup nalunaaruteqartup konto kontotut uppersarneqarsimanngitsutut Akileraartarnermut Aqutsisoqarfimmut nalunaarutigissavaa.

§ 67. § 63-imi pasinartunik paasinnittoqarnerseq apeqqutaatinnagu nunami allami imaluunniit Savalimmiuni imaluunniit Danmarkimi inatsisitigut oqartussaaffini kontomik piginnittup najugaqarneratut aningaaserivik nalunaaruteqartoq suliarinninnissamut pisussaaffeqanngilaq:

- 1) kontomik piginnittoq pillugu paasissutissanik makkuninnga imaqarpoq: nunami allami imaluunniit Savalimmiuni imaluunniit Danmarkimi inatsisitigut oqartussaaffimmi pineqartumi maannakkut allakkatigut najugaqarnera, Kalaallit Nunaanni oqarasuaatikkut normoqarnani nunami allami imaluunniit Savalimmiuni imaluunniit Danmarkimi inatsisitigut oqartussaaffimmi pineqartumi ataatsimik arlallinnilluunniit oqarasuaatikkut normoqarnera, imaluunniit nunami allami imaluunniit Savalimmiuni imaluunniit Danmarkimi inatsisitigut oqartussaaffimmi ingerlanneqartumik kontomut aningaasanik nuussinissaq pillugu aningaasaliineri kontot eqqaassanngikkaanni aningaaserivimmi kontot eqqarsaatigalugit ilitersuuteqarluni, aamma aningaaserivik nalunaaruteqartoq toqqorsimasani uppersaatinik pissarsiniarsimalluni imaluunniit siusinnerusukkut misissuisimalluni imatut ittumik:
 - a) inatsisitigut oqartussaaffimmut pineqartumut ilaanngitsumi nunami allami imaluunniit Savalimmiuni imaluunniit Danmarkimi inatsisitigut oqartussaaffik, kontomik piginnittup najugaqarfia pillugu kontomik piginnittumiit nammineq nalunaarut, aamma
 - b) uppersaammut allagartaq, tassani aalajangerneqarluni kontomik piginnittup inatsisitigut oqartussaaffimmi pineqartumi akileraartarnikkut najugaqanngitsuunera.
- 2) kontomik piginnittoq pillugu paasissutissanik makkuninnga imaqarpoq: nunami allami imaluunniit Savalimmiuni imaluunniit Danmarkimi inatsisitigut oqartussaaffiusumi tassani najugaqartumut inummut piginnaatitsissut atuuttoq imaluunniit atsiorsinnaatitaaneq, aamma aningaaserivik nalunaaruteqartoq toqqorsimasani uppersaatinik pissarsiniarsimalluni imaluunniit siusinnerusukkut misissuisimalluni imatut ittumik:
 - a) inatsisitigut oqartussaaffimmut pineqartumut ilaanngitsumi nunami allami imaluunniit Savalimmiuni imaluunniit Danmarkimi inatsisitigut oqartussaaffik, kontomik piginnittup najugaqarfia pillugu kontomik piginnittumiit nammineq nalunaarut, aamma
 - b) uppersaammut allagartaq, tassani aalajangerneqarluni kontomik piginnittup inatsisitigut oqartussaaffimmi pineqartumi akileraartarnikkut najugaqanngitsuunera.

Qaffasissumik naleqartunut kontonut annertusisamik ujaasineri suleriaatsit.

§ 68. Aningaaserivik nalunaaruteqartoq qaffasissumik nalillit kontot eqqarsaatigalugit § 63-imi allaaserineqartut pasinartut tamaasa pillugit aningaaserivimmit nalunaaruteqartumit toqqorneqarsimasut elektroniskimik ujaasiffigineqarsinnaasut nalunaarsukkat misissussavai.

§ 69. Aningaaserivup nalunaaruteqartartup nalunaarsuiffia elektroniskimik ujaasiffigineqarsinnaasoq § 70-imi allaaserineqartutut paasissutissanut tamanut immersuiffissiami tigusiffiusinnaasunillu imaqarpat pappiaranik toqqorsivimmi ujaaseqqinnissamut pisussaaffeqanngilaq.

Imm. 2. Nalunaarsuiffiit elektroniskiusut paasissutissanik tamanik ujaasisinnaanngippata aningaaserivik nalunaaruteqartoq, qaffasissumik naleqartunut kontot eqqarsaatigalugit, aamma sullitanut maanna allagaatigisani ujaasissaq aamma, taakku maannakkut sullitanut allagaatigisaniinngippata, kontomut atasut allagaatit uku, ukiut kingulliit tallimat iluanni aningaaseriviup nalunaaruteqartup pissarsiarisimasaa, § 63-imi allaaserineqartut pasinartut ataasiakkaat pillugit:

- 1) konto eqqarsaatigalugu uppersaaitut allagartaq kingulleq aaneqarsimasoq,
- 2) kontomik pilersitsineq pillugu isumaqatigiissut imaluunniit uppersaait kingulleq,
- 3) AML/KYC-mi suleriaatsit imaluunniit killilersuineri siunertat allat naapertorlugit aningaaserivimmit nalunaaruteqartumit pissarsiarineqarsimasut allagaq kingulleq,
- 4) piginnaatitsissut imaluunniit atsiorsinnaatitaaneq atuuttoq sunaluunniit, aamma
- 5) aningaasanik nuussineq pillugu ilitersuutit atuuttut suulluunniit, aningaasaliineri konto eqqarsaatigalugu ilanngunnagu.

§ 70. Aningaaseriviup nalunaaruteqartup paasissutissaatai elektroniskimik ujaasiffiqineqarsinnaasut paasissutissanik ukuninnga imaqarpata § 69, imm. 2-imi allaaserineqartut pappiaranik toqqorsivimmi ujaasinissamut aningaaserivik nalunaaruteqartoq pisussaaffeqanngilaq:

- 1) kontomik piginnittup najugaa,
- 2) kontomik piginnittup najugaa aamma allakkatigut najugaa, piffissami pineqartumi aningaaserivimmi nalunaaruteqartumi nalunaarsugaasoq,
- 3) kontomik piginnittup oqarasuaatini normua imaluunniit normui, piffissami pineqartumi aningaaserivimmi nalunaaruteqartumi nalunaarsugaasoq,
- 4) aningaaserivimmi kontoqartillugu, aningaasaliineri kontot ilanngunnagit, kontomit kontomut allanut aningaasanik nuussinissaq pillugu ilitersuuteqarnerisq, tassunga ilanngullugu aningaaserivimmit nalunaaruteqartumit immikkoortortami allami imaluunniit aningaaserivimmi allami konto,
- 5) Kontomik piginnittoq pillugu atuuttumik c/o-najugaq imaluunniit toqqorsinissamut ilitersuut, aamma
- 6) konto pillugu piginnaatitsisoqarnerisq imaluunniit atsiorsinnaatitaasoqarnerisq.

§ 71. §§ 68 aamma 69-imi allaaserineqartut toqqorsivinni elektroniskiusuni aamma pappiaranik toqqorsivinni ujaasinerit saniatigut, sullitamut akisussaasoq kontomik piginnittoq nunami allami, Savalimmiuni imaluunniit Danmarkimi Inuuseq pillugu ilisimasaqaruni, sullitamut akisussaasut tunniunneqarsimasut qaffasissumik naleqartut kontot suulluunniit aningaaserivimmit nalunaaruteqartumit kontotut nalunaaruteqartussaasutut suliarineqassapput, tassunga ilanngullugu aningaaserivimmi konto sunaluunniit qaffasissumik naleqartunut kontomut tassunga ilanngunneqartut.

§ 72. § 63-mi allanneqartut pasinartut arlaat §§ 68-71-imi allaaserineqartut qaffasissumik naleqartumik kontonik annertusisamik misissuineri paasineqanngippata aamma § 71 malillugu konto nunami allami, Savalimmiuni imaluunniit Danmarkimi Inummit pigineqartut kinaassusersineqanngippat, annerusumik iliuuseqarnissamut pisussaaffeqanngilaq, kontomut atatillugu pasinartumut ataatsimut arlalinnuunniit atassuserneqartumik pisuni allanngortoqarnissaata tungaanut.

Imm. 2. § 63, nr. 1-5-imi allanneqartut pasinartut arlaat §§ 68-71-imi allaaserineqartut qaffasissumik naleqartunik kontonik annertusisamik ujaasineri paasineqarpata, imaluunniit tamatuma kingorna kontomut atassuserneqarsinnaasumik pasinartumik ataatsimik arlalinnuunniit inerneqartumik pisuni

allanngortoqarpat, aningaaseriviup nalunaaruteqartup kontomik piginnittoq nunani allani imaluunniit Savalimmiuni imaluunniit Danmarkimi inatsisitigut oqartussaaffigisami akileraartarnikkut najugaqartutut suliarissavaa, § 67-ip atorneqarnissaa toqqarneqanngippat aamma immikkoortumi pineqartumi ilaatinneqanngitsut arlaat kontomut tassunga atuuppata.

Imm. 3. §§ 68-71-imi allaaserineqartutut qaffasissumik naleqartunik kontonik annertusisami ujaasinermit toqqorsinissamut ilitersuut imaluunniit c/o-najugaq nassaarineqarpat aamma § 63, imm. 1, nr. 1-5-imi allanneqartunik allamik najugaqarneq pasinartullu allat kontomik piginnittumut atasutut nassaarineqanngippata, kontomik piginnittumut tamatuminnga imaluunniit akileraartarnikkut najugaqarfimmik aalajangersaasinnaasumik kontomik piginnittumit tassanngaanniit nammineq nalunaaruteqarneq imaluunniit uppernarsaanermut allagartamik aningaaserivik nalunaaruteqartoq pissarsiniassaaq. Nammineq nalunaarummik taassuminnga imaluunniit uppernarsaammik allagartamik taassuminnga aningaaserivik nalunaaruteqartoq pissarsisinnaanngippat kontotut uppernarsarneqanngitsutut konto Akileraartarnermut Aqutsisoqarfimmut nalunaarutigineqassaaq.

§ 73. Inuup kontoa pioreersoq ulloq 31. december 2015-imi qaffasissumik naleqartut kontonngippat, kisiannili ukiumi tulliuuttumi ullormiit kingullermiit qaffasissumik naleqartutut kontonngorpat kontop qaffasissumik naleqartutut kontonngornerani ukiup kingorna ukiumi taamatut kontonera eqqarsaatigalugu §§ 68-71-imi allaaserineqartutut annertusisamik misissuinissamut suleriaat qningaaseriviup nalunaaruteqartup naammassissavai.

Imm. 2. Taamatut misissuineq tunngavigalugu konto taamatut ittoq kontotut nalunaarutigineqartussaasutut paasineqarpat ukioq kontotut nalunaarutigineqartussaasutut paasineqarfia aamma ukiut tulliuuttut ukiukkaartut eqqarsaatigalugit konto pineqartoq pillugu paasissutissani piumasarineqartunik aningaaserivik nalunaaruteqartoq nalunaaruteqassaaq, kontomik piginnittoq inuttut nalunaarutigineqartussaasutut atuukkunnaarsimanngippat.

§ 74. Qaffasissumik naleqartunut kontomi § 68-71-imi allaaserineqartunik annertusisami misissuinermit suleriaatsit aningaaserivimmit nalunaaruteqartumit atorneqarpata taamatut suleriaatsini atueqqinnissamut aningaaserivik nalunaaruteqartoq pisussaaffeqanngilaq, ukiumi tulliuuttumi qaffasissumik naleqartunik kontomi tassani § 71-imi allaaserineqartutut sullitamut akisussaasumut apeqquteqaatinut atasut eqqaassanngikkaanni, konto uppernarsarneqarsimanngippat, taamaattoqartillugu aningaaseriviup nalunaaruteqartup taakku ukiukkaartumik atortariaqartassavai, kontop taassuma uppernarsarneqarsimanngitsutut inissisimajunnaarnissaata tungaanut.

§ 75. Kontomut atatinneqarsinnaasumik § 63-imi allaaserineqartutut pasinartumik ataatsimik arlallinnilluunniit inerineqartumik qaffasissumik naleqartoq konto eqqarsaatigalugu pissutsini allanngortoqarpat, nunani allani imaluunniit Savalimmiuni imaluunniit Danmarkimi inatsisitigut oqartussaaffiusuni akileraartarnikkut najugaqartutut kontomik piginnittoq aningaaserivimmit nalunaaruteqartumit suliarineqassaaq, § 67-ip atorneqarnissaa toqqarneqanngippat, aamma immikkoortumi pineqartumi ilaatinneqanngitsut arlaat kontomut tassunga atuuppata.

§ 76. Kontomut tunngatillugu pissutsit sunilluunniit allannguinermit sullitanut akisussaasup paasisaqarnissaanik qulakkeerisumik suleriaatsinik aningaaserivik nalunaaruteqartoq atulersitsissaaq.

Sullitanut akisussaasoq assersuutigalugu kontomik piginnittoq nunami allami, Savalimmiuni imaluunniit Danmarkimi allakkerivikkut nutaamik najugaqalersoq pillugu ilisimatinneqaruni pissutsini allannguinertut najukkap nutaap suliarinissaanut aningaaserivik nalunaaruteqartoq pisussaaffeqarpoq, aamma § 67-ip atorineqarnissaa toqqarneqarpat, kontomik piginnittumiit uppersaatinik attuumassuteqartunik pissarsiniarnissamut pisussaaffeqarluni.

Inuit kontoinut piareersunut ataatsimut maleruagassat

§ 77. Qaffasissumik naleqartumik inuup kontoanik pioreersumik misissuineq kingusinnerpaamik ulloq 31. august 2017-imi naammassineqarsimassaaq. Appasissumik naleqartumik inuup kontoanik pioreersumik misissuineq kingusinnerpaamik ulloq 31. december 2017-imi naammassineqarsimassaaq.

§ 78. Inuup kontoa pioreersoq sunaluunniit, nunamut allamut, Savalimmiunut imaluunniit Danmarkimut kontotut atassuteqartutut paasineqarsimasooq ukiuni tulluuttuni tamani nunamut allamut, Savalimmiunut imaluunniit Danmarkimut kontotut atassuteqartutut suliarineqassaaq, kontomik piginnittoq nunani allani, Savalimmiuni imaluunniit Danmarkimi inuusutut inissisimajunnaarsimanngippat.

Imm. 2. Konto aamma siusinnerusukkat kontotut nalunaarutigineqartussaasutut paasineqarsimappat taanna ukiuni tulluuttuni tamani kontotut nalunaarutigineqartussaasutut suliarineqassaaq, kontomik piginnittut Inuttut nalunaarutigineqartussatut atorunnaarsimanngippata.

Kapitali 5

Inuit kontoinut nutaanut peqqissaartumik periuseqarneq

§ 79. Inuit kontoi nutaat eqqarsaatigalugit kontomik pilersitsinermi aningaaserivik nalunaaruteqartoq kontomik pilersitsinermi uppersaammut ilaasussamik nammineq nalunaarummik pissarsiniassaaq aamma kontomik piginnittoq akileraartarnikkut najugaqarfiani imaluunniit najugaqarfiinik aningaaserivik nalunaaruteqartoq aalajangersaasinnaangorlugu aamma kontomik pilersitsinermut atatillugu aningaaserivimmit nalunaaruteqartumit paasissutissat pissarsiarineqartut tunngavigalugit taamatut nammineq nalunaarutip naammaginaruunera uppersarsarlugu, tassunga ilanngullugu AML/KYC-imi suleriaatsit malillugit uppersaaitit pissarsiarineqarsinnaasut.

§ 80. Nammineq nalunaaruteqarnerup § 79 naapertorlugu aalajangersarpagu kontomik piginnittoq inatsisitigut oqartussaaffimi peqataasumi akileraartarnikkut najugaqartoq, aningaaseriviup nalunaaruteqartup konto kontotut nalunaarutigineqartussaasutut suliarissavaa, aamma nammineq nalunaarummup aamma ilaassalluni kontomik piginnittup Inatsisitigut oqartussaaffimi peqataasumi akileraartartutut normoqartoq, § 104 nangaassutigalugu kiisalu ulloq inuuffik.

§ 81. Inuup kontoa nutaaq eqqarsaatigalugu pissutsini allanngortoqarpat tamatuma kingunerisaanik aallaqqaammup nammineq nalunaarut kukkusuusoq imaluunniit uppernartuunngitsoq aningaaserivik nalunaaruteqartoq paasisaqarpat imaluunniit tunngavissaqartumik paasisaqarpat, aningaaseriviup nalunaaruteqartup aallaqqaammup nammineq nalunaarut tunngavigisinnaangilaa aamma kontomik

piginnittup akileraartarnikkut najugaatut imaluunniit najugaqarfiisut aalajangersaasumik nammineq nalunaarummik atuuttumik pissarsiniassalluni.

Kapitali 6

Immikkoortortami konto pioreersoq pillugu peqqissaartumik periuseqarneq

§ 82. Immikkoortortami kontot pioreersut tamaasa eqqarsaatigalugit imaluunniit taamatut kontot eqimattat erseqqissumik suussuseqarnerat immikkut eqqarsaatigalugu allamik aningaaserivik nalunaaruteqartoq toqqaasimanngippat, kontomi pigisat tamarmiusut imaluunniit ulloq 31. december 2015-mi 1,71 mio. kr.-it sinnerlugit naleqartumik immikkoortortami kontomi pioreersumik kontotut nalunaarutigineqartussaasutut misissuinissamut, suussusersiinissamut imaluunniit nalunaaruteqarnissamut pisussaaffeqanngilaq, kontomiittut tamarmiusut imaluunniit nalingi ukiumi tulluuttumi ullormi kingullermi aningaasat taakku sinnernissaasa tungaannut.

§ 83. Immikkoortortami konto pioreersoq, ulloq 31. december 2015-imi 1,71 mio. kr.-it sinnerlugit ataatsimut uninngasuuteqartoq imaluunniit nalilinnik peqartoq aamma immikkoortortami konto pioreersoq ulloq 31. december 2015-imi aningaasanik taakkuninnga qaangiinngitsoq, taamaattorli ukiumi tulluuttumi ullormi kingullermi aningaasat taakku sinnerlugit ataatsimut kontomiittuuteqartoq imaluunniit nalilinnik peqartoq §§ 85-87-imi eqqartorneqartut suleriaatsit malillugit misissorneqassaaq.

§ 84. § 83-imi allaaserineqartut Immikkoortortami kontot pioreersut eqqarsaatigalugit immikkoortortanit, nunami allami, Savalimmiuni imaluunniit Danmarkimi Inummit ataatsimit arlalinnilluunniit kontot pigineqartut kisimik, imaluunniit nunami allami, Savalimmiuni imaluunniit Danmarkimi inunnik nakkutilliisumit ataatsimit arlalinnilluunniit pigineqartut nunami allami, Savalimmiuni imaluunniit Danmarkimi atasutut kontotut suliarineqassapput.

Imm. 2. § 83-imi allaaserineqartutut immikkoortortami kontot pioreersut eqqarsaatigalugit immikkoortortanit Inuusunit ataatsimit arlalinnilluunniit nalunaarutigineqartussanit pigineqartut imaluunniit inunnik nakkutilliisumit ataatsimit arlalinnilluunniit nalunaarutigineqartussanit pigineqartut, kontotut nalunaarutigineqartussaasusut suliarineqassapput.

§ 85. § 83-imi allaaserineqartut Immikkoortortami kontot pioreersut eqqarsaatigalugit aningaaseriviup nalunaaruteqartup §§ 86 aamma 87-imi eqqartorneqartut misissuineri suleriaatsit atussavai.

§ 86. Immikkoortortap akileraartarnikkut sumi najugaqarneranik aalajangiinermi misissuinerit uku ingerlanneqassapput:

1) malittarisassatigut imaluunniit sullitamut tunngasut siunertat aallaavigalugit paasissutissanik toqqortarineqartunik misissuineq, tassunga ilanngullugit paasissutissat kontomik piginnittup sumi najugaqarneranik aalajangiinissamut AML/KYC-imi suleriaatsit malillugit pissarsiarineqartut. Tassunga atatillugu paasissutissanut kontomik piginnittup najugaqarfanik ersersitsisunut ilaapput sumiiffik nalunaarsorneqarfik imaluunniit aqqissugaaffusoq imaluunniit nunami allami imaluunniit Savalimmiuni imaluunniit Danmarkimi inatsisitigut oqartussaaffusumi najugaqarneq.

2) paasissutissat paasinarsisippassuk kontomik piginnittoq inatsisitigut oqartussaaffimmi peqataasumi

najugaqartoq, aningaaseriviup nalunaaruteqartup konto kontotut nalunaarutigineqartussaasut suliarissavaa, kontomik piginnittumiit nammineq nalunaarummik pissarsiniartoqanngippat imaluunniit paasissutissat pigineqartut imaluunniit pisortatigut pissarsiarineqarsinnaasut tunngavigalugit Inuk nalunaarutigineqartussaq kontomik piginnittuunngitsutut naammaginantumik aalajangersaasoqarsinnaanngippat.

§ 87. Immikkoortortami kontomik pioreersumik kontomik piginnittoq eqqarsaatigalugu, tassunga ilanngullugu immikkoortortaq inuusooq imaluunniit nunami allami, Savalimmiuni imaluunniit Danmarkimi inuttut nalunaarutigineqartussaq, aningaaseriviup nalunaaruteqartup aalajangissavaa kontomik piginnittoq NFE ingerlanngitsuunersoq inummik nakkutilliisulik ataatsimik arlalinnilluunniit, aamma aalajangiiffigalugu inuit taamatut nakkutilliisut sumi najugaqarnerisut. NFE ingerlanngitsumi inuit nakkutilliisut arlaat inuuppat nalunaarutigineqartussaq kontot kontotut nalunaarutigineqartussaasutut suliarineqassaaq.

Imm. 2. Imm. 1 malillugu aalajangiinerni aningaaserivik nalunaaruteqartoq pissutsit malillugit naleqqunnerpaaq malillugu tullerriiaranilu imatut misissuissaaq:

1) kontomik piginnittoq NFE ingerlanngitsuunersoq aalajangernissaa siunertaralugu taamatut inissisimaneq aalajangerniarlugu kontomik piginnittumiit nammineq nalunaarummik aningaaserivik nalunaaruteqartoq pissarsiniassaaq, paasissutissanik pigisaqanngikkuni, imaluunniit pisortat paasissutissaataat pissarsiarineqarsinnaasut pigineqarpata, taakkunannga naammaginantumik aalajangerneqarsinnaalluni kontomik piginnittoq NFE sulisuunersoq imaluunniit § 8, imm. 1, nr. 2-mi allaaserineqartutut aningaasalersuisarfimmit allaanerumumik aningaaseriviunersoq alla, inatsisitigut oqartussaaffimmi peqataasumi aningaaseriviunani.

2) kontomik piginnittup Inuit nakkutilliisui aalajangernissaat siunertaralugu aningaaseriviup nalunaaruteqartup AML/KYC-imi suleriaatsit malillugit paasissutissat katersorneqartut toqqortarineqartullu tunngavigisinnaavai.

3) NFE ingerlanngitsumi inuk nakkutilliisoq sumi najugaqarnerani aalajangiinissaq siunertaralugu aningaaseriviup nalunaaruteqartup uku tunngavigisinnaavai:

a) NFE-mit ataatsimit imaluunniit amerlanernit pigineqartoq immikkoortortami konto pioreersoq eqqarsaatigalugu AML/KYC-imi suleriaatsit malillugit paasissutissat katersorneqartut toqqortarineqartullu 6,83 mio. kr.-t sinnernagit ataatsimut uninngasuuteqartoq imaluunniit naleqartoq, imaluunniit

b) inuup nakkutilliisup inatsisini oqartussaaffimmi imaluunniit inatsisitigut oqartussaaffinni akileraartarnikkut sumi najugaqarnera pillugu kontomik piginnittumiit imaluunniit inummit taamatut nakkutilliisumiit nammineq nalunaarut.

§ 88. Ulloq 31. december 2015-imi 1,71 mio. kr.-it sinnerlugit ataatsimik kontomiittoqarneranik imaluunniit nalilinnik peqarneranik immikkoortortap kontoanik pioreersumik misissuineq kingusinnerpaamik ulloq 31. december 2017-imi naammassisimassaaq.

§ 89. Ulloq 31. december 2015-imi 1,71 mio. kr.-it sinnernagit ataatsimik kontomiittoqarneranik imaluunniit nalilinnik peqarneranik immikkoortortap kontoanik pioreersumik, kisianni ukiumi tulluuttumi ulloq 31. decembarimi aningaasanik taakkuninnga sippuisumik misissuineq kontomiittut tamarmiusut

imaluunniit nalingi aningaasanik taakkuninnga sippuiffianni ukiup kingorna ukiup ingerlanerani naammassineqarsimassaaq.

§ 90. Immikkoortortap kontoa pioreersoq eqqarsaatigalugu pissutsini allanngortoqarpat tamatuma kingunerisaanik nammineq nalunaarut imaluunniit kontomut atasoq uppersaasaat alla kukkusuusoq imaluunniit tatiginartuunngitsoq aningaaserivik nalunaaruteqartoq paasisaqqarpat imaluunniit tunngavissaqqartoq paasisaqqarpat, aningaaseriviuq nalunaaruteqartup §§ 85-87-imi eqqartorneqartut suleriaatsit malillugit kontop killiffia allanngortissavaa.

Kapitali 7

Immikkoortortami kontot nuaat pillugu peqqissaartumik periuseqqarneq

§ 91. Immikkoortortami kontot nutaat eqqarsaatigalugit §§ 92 aamma 93-imi misissuinerimi suleriaatsit aningaaserivimmit nalunaaruteqartumit atorineqassapput.

§ 92. Immikkoortortaq tassa inuunersoq nalunaarutigineqartussaq aalajangernissaa siunertaralugu misissuinerinik ukuninnga aningaaserivik nalunaaruteqartoq ingerlataqassaaq:

1) nammineq nalunaarummik pissarsiniarneq, kontomik pilersitsinermit uppersaasaammut ilaasinnaasoq aamma kontomik piginnittup akileraartarnikkut najugaqqarfianik imaluunniit najugaqqarfinik aalajangersaanissamut aningaaserivimmut nalunaaruteqartumut pisinnaalersitsisoq aamma kontomik pilersitsinermit atatillugu aningaaserivimmit nalunaaruteqartumit pissarsiarineqartut paasissutissat tunngavigalugit taamatut nalunaarutip naammaginaruuneranik uppersaasoq, tassunga ilanngullugit AML/KYC-imi suleriaatsit malillugit uppersaataanik pissarsiniarneq. Immikkoortortaq nalunaaruteqqarpat akileraartarnikkut najugaqqarfeqqarnani, kontomik piginnittup najugaqqarfia aalajangerniarlugu immikkoortortap qullersaqqarfiata najugaqqarfianik aningaaserivik nalunaaruteqartoq tunngaveqqarsinnaavoq.

2) nammineq nalunaarutit ersersippagu kontomik piginnittoq inatsisitigut oqartussaaffimmi peqataasumi najugaqqartoq, konto kontotut nalunaarutigineqartussaasutut aningaaserivimmit nalunaaruteqartumit suliarineqassaaq, paasissutissat tassani pigineqartut, imaluunniit pisortanit pissarsiarineqqarsinnaasut tunngavigalugit, inatsisitigut oqartussaaffimmut peqataasumut naleqqiullugu, kontomik piginnittoq tassaangitsoq inuk nalunaarutigineqartussaq naammaginarumik aalajangiiffigineqqarsinnaanngippat.

§ 93. Immikkoortortami kontomik nutaamik piginnittoq eqqarsaatigalugu, tassunga ilanngullugu immikkoortortaq inuusoq nalunaarutigineqartussaq imaluunniit nunami allami, Savalimmiuni imaluunniit Danmarkimi Inuk, kontomik piginnittoq tassaasoq NFE ingerlanngitsoq ataatsimik arlalinnilluunniit Inunnik nakkutilliisoqqartoq pillugu aningaaserivik nalunaaruteqartoq aalajangiissaaq aamma inuit taamatut nakkutilliisut najugaqqartuunersut aalajangiiffigalugu. NFE ingerlanngitsumi inuit nakkutilliisut arlaat inuuppat nalunaarutigineqartussaq kontot kontotut nalunaarutigineqartussaasutut suliarineqassaaq. Aalajangiinerni aningaaserivik nalunaaruteqartoq pissutsit malillugit naleqqunnerpaanera malillugu tullerriiaanilu imatut misissuissaaq:

1) kontomik piginnittoq NFE ingerlanngitsuunersoq aalajangernissaa siunertaralugu taamatut inissisimaneq aalajangerniarlugu kontomik piginnittumiit nammineq nalunaarummik aningaaserivik

nalunaaruteqartoq pissarsiniassaaq, paasissutissanik pigisaqanngikkuni, imaluunniit pisortat paasissutissaataat pissarsiarineqarsinnaasut pigineqarpata, taakkunannga naammaginnartumik aalajangerneqarsinnaalluni kontomik piginnittoq NFE sulisuunersoq imaluunniit § 8, imm. 1, nr. 2-mi allaaserineqartutut aningaasalersuisarfimmit allaanerumsumik aningaaseriviunersoq alla, inatsisitigut oqartussaaffimmi peqataasumi aningaaseriviunani.

2) kontomik piginnittup inuit nakkutilliisui aalajangernissaat siunertaralugu aningaaseriviup nalunaaruteqartup AML/KYC-imi suleriaatsit malillugit paasissutissat katersorneqartut toqqortarineqartullu tunngavigisinnaavai.

3) NFE ingerlanngitsumi Inuk nakkutilliisoq sumi najugaqarnerani aalajangiinissaq siunertaralugu kontomik piginnittumiit imaluunniit inummit nakkutilliisumiit nammineq nalunaarummik aningaaserivik nalunaaruteqartoq tunngaveqassaaq.

Imm. 2. NFE ingerlanngitsumi inuit nakkutilliisut arlaat tassaappat inuk nalunaarutigineqartussaq konto kontotut nalunaarutigineqartussatut suliarineqassaaq.

Kapitali 8

Peqqissaartumik periuseqarneq pillugu immikkut maleruagassat

§ 94. Nammineq nalunaarut imaluunniit uppersaasatitut allagartaq kukkusuusoq imaluunniit tatiginartuunngitsaq aningaaserivik nalunaaruteqartoq ilisimasaqarpat imaluunniit tunngavissaqartumik ilisimasaqarpat aningaaserivik nalunaaruteqartoq nammineq nalunaarummik imaluunniit uppersaasaneermut allagartamik tunngaveqassanngilaq.

§ 95. Aningaasanik nalilinnik sillimmasiineq pillugu isumaqatigiisummi imaluunniit taarsigassarsiat assigiiaartumik taarsersorneqarnissaannik isumaqatigiisummi iluaquserneqartunit inunnit pigineqartut aamma aningaasanik nalilinnik sillimmasiineq pillugu eqimattanut isumaqatigiissutinut imaluunniit taarsigassarsiat assigiiaartumik taarsersorneqarnissaannik eqimattanut isumaqatigiissutinut aningaaserivimmi kontot pillugit §§ 96 aamma 97-imi suleriaatsit allat aningaaserivimmit nalunaaruteqartumit atorineqarsinnaapput.

§ 96. Aningaasanik nalilinnik sillimmasiineq pillugu isumaqatigiisummik imaluunniit taarsigassarsiat assigiiaartumik taarsersorneqarnissaannik isumaqatigiisummik iluaquserneqartunik piginnittoq eqqaassanngikkaanni aningaaserivik nalunaaruteqartoq isumaqarsinnaavoq inuk, aamma toqusoqarnerani aningaasanik tigusisuusoq tassaannngitsaq inuk nunami allamiittoq, Savalimmiuniittoq imaluunniit Danmarkimiittoq aamma aningaaserivimmi konto taamatut ittoq kontotut nalunaarutigineqartussaannngitsutut suliarisinnaallugu, iluaquserneqartoq tassaasoq inuk nunami allamiittoq, Savalimmiuniittoq imaluunniit Danmarkimiittoq aningaaserivik nalunaaruteqartoq maannakkut ilisimasaqanngippat imaluunniit ilisimasaqassalluni tunngavissaqarpat.

Imm. 2. Paasissutissat aningaaserivimmit nalunaaruteqartumit katersorneqartut aamma iluaquserneqartumut atassuteqartut §§ 62-67-imi allaaserineqartutut nunami allami, Savalimmiuni imaluunniit Danmarkimi najugaqartuusumut pasinartuuneranik imaqarpata, aningaasanik nalilinnik sillimmasiineq pillugu isumaqatigiisummik imaluunniit taarsigassarsiat assigiiaartumik taarsersorneqarnissaannik isumaqatigiisummik iluaquserneqartoq tassaasoq inuk nunami allami,

Savalimmiuni imaluunniit Danmarkimi najugaqartuusoq pillugu tunngaveqartumik aningaaserivik nalunaaruteqartoq ilisimasaqassaaq.

Imm. 3. Iluaquserneqartoq tassaasoq inuk nalunaarutigineqartussa q aningaaserivik nalunaaruteqartoq maannakkut ilisimasaqarpat imaluunniit ilisimasaqassalluni tunngavissaqarpat §§ 62-67-imi suleriaatsit malillugit aningaaserivik nalunaaruteqartoq nalunaaruteqassaaq.

§ 97. Aningaaseriviup nalunaaruteqartup ilaasortap aningaasanik nalilinnik sillimmasiineq pillugu eqimattanut isumaqatigiisummi imaluunniit taarsigassarsiat assigiiartumik taarsersorneqarnissaannik eqimattanut isumaqatigiisummi piginneqataassutai aningaaserivimmi kontotut nalunaarutigineqartussaannigitsutut suliarisinnaavaa, aningaasat sulisitsisumut imaluunniit uppersaammik piginnettumut imaluunniit iluaquserneqartumut ullormi tunniunneqarnissaasa tungaannut, aningaaserivimmi konto ilaasortap aningaasanik nalilinnik sillimmasiineq pillugu eqimattanut isumaqatigiisummi imaluunniit taarsigassarsiat assigiiartumik taarsersorneqarnissaannik eqimattanut isumaqatigiisummi piginneqataassutai piumasaqaatinik makkuninnga naammassinnippat:

1) aningaasanik nalilinnik sillimmasiineq pillugu eqimattanut isumaqatigiisut imaluunniit taarsigassarsiat assigiiartumik taarsersorneqarnissaannik eqimattanut isumaqatigiisut sulisitsisumut atugassanngortinneqarsimappat aamma sulisitsisunut imaluunniit uppersaammik piginnettunut 25-nut amerlanernulluunniit tunngasuuppat,

2) sulisitsisut imaluunniit uppersaammik piginnettut piginneqataassutiminnut tunngasunik isumaqatigiisummi nalilinnik tigusinissamut pisinnaatitaappata aamma sulisitsisup toqunerani akiliutinik tiguisussamik iluaquserneqartussamik toqqaasinnaallutik, aamma

3) aningaasat tamarmiusut sulisitsisumut imaluunniit uppersaammik piginnettumut imaluunniit iluaquserneqartumut tunniunneqartussat 6,83 mio. kr.-it sinnersimangippagit.

Imm. 2. Oqariartaaseq "aningaasanik nalilinnik sillimmasiineq pillugu eqimattanut isumaqatigiisut" isumaqarpoq aningaasanik nalilik sillimmasiinnermi isumaqatigiisut

1) sulisitsisoq, inuussutissarsiornermi suleqatigiiffik, suliatigut kattuffik imaluunniit kattuffik eqimattalluunniit allat aqqutigalugu atassuteqartumut inunntut ataasiakkaanut matussusiisoq, aamma

2) eqimattani ilaasortanut ataasiakkaanut tamanut imaluunniit eqimattat iluanni immikkoortumi ilaasortamut inuit ataasiakkaat peqqissutsikkut qanoq ittuuneri eqqarsaatiginagit aalajangersarneqarsimasunut akiliutissanik akileeqqusisarluni, eqimattami ilaasortap eqimattami immikkoortumi ilaasortap ukiuni, suaassusaa pujortartarneralu ilanngunnagit.

Imm. 3. Oqariartaaseq "taarsigassarsiat assigiiartumik taarsersorneqarnissaannik eqimattanut isumaqatigiisut" isumaqarpoq taarsigassarsiat assigiiartumik taarsersorneqarnissaannik isumaqatigiisut, pissarsisussat tassaallutik inuit ataasiakkaat sulisitsisoq, inuussutissarsiornermi suleqatigiiffik, suliatigut kattuffik imaluunniit kattuffik eqimattalluunniit allat aqqutigalugu atassuteqartoq.

§ 98. Inummit pigineqartut aningaaserivimmi kontoni ataatsimut uninngasuutit imaluunniit nalinginik aalajangersaanissaq siunertaralugu aningaaserivimmi nalunaaruteqartumi imaluunniit tassunga atasumi immikkoortortami allanneqarsimasut aningaaserivimmi kontot tamaasa katinneqarnissaannut aningaaserivik nalunaaruteqartoq pisussaafeqarpoq, taamaattorli taamaallaat aningaaserivimmi kontonut pineqartunut aningaaseriviup nalunaaruteqartup qarasaasiaata nalunaarsukkatut ataatsimut

inississinnaappagit soorlu assersuutigalugu sullitap normuanut imaluunniit akileraartartup normuanut aamma kontomiittut imaluunniit nalingi katinneqarsinnaappata.

Imm. 2. Aningaaserivimmi kontomik, ataatsimoorluni pigineqartumik, piginnittut ataasiakkaat tamarmik, immikkoortumi tassani allaaserineqartut katinnissaannut pisussaaffiit atornerisigut aningaaserivimmi kontomi ataatsimoorussanik uninngasuutit imaluunniit nalingi tamaasa pigissavaat.

§ 99. Immikkoortortamit pigineqartut aningaaserivimmi kontoni uninngasuutit imaluunniit nalinginik aalajangersaanissaq siunertaralugu aningaaserivimmi nalunaaruteqartumi imaluunniit tassunga atasumi immikkoortortami allanneqarsimasut aningaaserivimmi kontot tamaasa katinneqarnissaannut aningaaserivik nalunaaruteqartoq pisussaaffeqarpoq, taamaattorli taamaallaat aningaaserivimmi kontonut pineqartunut aningaaseriviup nalunaaruteqartup qarasaasiaata nalunaarsukkatut ataatsimut inississinnaappagit soorlu assersuutigalugu sullitap normuanut imaluunniit akileraartartup normuanut aamma kontomiittut imaluunniit nalingi katinneqarsinnaappaata.

Imm. 2. Aningaaserivimmi kontomik, ataatsimoorluni pigineqartumik, piginnittut ataasiakkaat tamarmik, kapitali uani allaaserineqartut katinnissaannut pisussaaffiit atornerisigut aningaaserivimmi kontomi ataatsimoorussanik uninngasuutit imaluunniit nalingi tamaasa pigissavaat.

§ 100. Aningaaserivimmi konto, inummit tassannga toqqaannartumik imaluunniit toqqaannangitsumik pigineqartoq, nakkutigineqartoq imaluunniit pilersinneqarsimasoq sullitanut akisussaasup ilisimasaqarfigisaa imaluunniit tunngavissaqartumik ilisimasaqarfigisaa eqqarsaatigalugu, inuup tatigisaasuunera eqqaassanngikkaanni, aningaaserivimmi konto qaffasissumik naleqartutut kontoneersoq pillugu aalajangiiffiginarlugu, aningaaserivimmi kontoni uninngasuutit tamarmiusut imaluunniit nalingisa aalajangiiffiginissaat siunertaralugu, kontot taamatut ittut tamaasa katinneqarnissaannut aningaaserivik nalunaaruteqartoq pisussaaffeqarpoq.

§ 101. Aningaasat nunat allat aningaasaanni allani taamaaqataanik aningaasatigut annertussuseqartutut isigineqarput. Danskit koruuniinut aningaasat tamarmik paasineqassappat aningaaseriviup uninngasuutinik imaluunniit nalinik aalajangiiffiani ukiumi ullormi kingullermi aningaasat nalingisa tamanut saqqummiunneqarnerini atorineqartut nunat allat aningaasaanni taamaaqataanik aningaasatigut annertussutsit ilaasut.

Imm. 2. Danskit koruuniini aningaasanut killiliussanut periarfissatut allatut aningaasanut killiliussat USD-imi uku atorineqarnissaat aningaaseriviit toqqarsinnaavaat, tassa imm. 1 nunat allat aningaasaasa USD-imut naatsorsornerannut taamaaqataanik atorineqassalluni:

- 1) 341.000 kr.-inut taarsiullugu 50.000 USD-it atorineqassapput.
- 2) 1,71 mio. kr.-inut taarsiullugu 250.000 USD-it atorineqassapput.
- 3) 6,83 mio. kr.-inut taarsiullugu 1 mio. USD-it atorineqassapput.

Kapitali 9

Nalunaaruteqarneq

§ 102. §§ 103-105-imiittut nangaassutigalugit aningaaserivinni nalunaaruteqartuni taamatut ittuni kontot nalunaarutigineqartussaasut tamaasa pillugit paasissutissanik makkuninnga aningaaserivik

nalunaaruteqartoq Akileraartarnermut Aqutsisoqarfimmut nalunaaruteqassaaq:

1) ateq, najugaq, inatsisitigut oqartussaaffik imaluunniit inatsisitigut oqartussaaffiit pineqartup najugaqarfigisaatut isigineqartut, danskisut cpr- imaluunniit GER-normu aamma nunani allani Akileraartartutut normu imaluunniit nunani allani akileraartartutut normut kiisalu ulloq inuuffik sumilu inunngorneq, Inuit nalunaarutigineqartussat eqqarsaatigalugit, aamma kontomik piginnittuusut aamma immikkoortortaq kontomik piginnittuusooq eqqarsaatigalugu, aamma kapitali 6-8 naapertorlugit naleqquttumik peqqissaarnissamut suleriaatsit malillugit inummit nalunaarutigineqartussamik ataatsimik arlalinnilluunniit nakkutigineqartutut paasineqartoq, ateq, najugaq, inatsisitigut oqartussaaffik imaluunniit inatsisitigut oqartussaaffiit pineqartup najugaqarfigisaatut isigineqartut, immaqalu pineqartup najugaqarfigisaatut isigisami ateq, najugaq, inatsisitigut oqartussaaffik imaluunniit inatsisitigut oqartussaaffiit danskisut cpr- imaluunniit GER-normu aamma nunani allani immikkoortutut akileraartartutut normu imaluunniit nunani allani akileraartartutut normut aamma ateq, najugaq, inatsisitigut oqartussaaffik imaluunniit inatsisitigut oqartussaaffiit pineqartup najugaqarfigisaatut isigineqartut, aamma danskisut cpr- imaluunniit GER-normu aamma nunani allani akileraartartutut normu imaluunniit nunani allani akileraartartutut normu kiisalu inuit tamarmik nalunaarutigineqartussat ullut inuuffii sumilu inunngorneri nalunaarutigineqassapput.

2) kontonormu, imaluunniit piviusumik tassunga naapertuuttoq, konto normoqanngippat.

3) aningaaseriviup nalunaaruteqartup aqqa aamma cvr- imaluunniit GER-normu.

4) aningaasanik nalilinnik sillimmasiineq pillugu isumaqatigiissut imaluunniit taarsigassarsiat assigiiartumik taarsersorneqarnissaannik isumaqatigiissut eqqarsaatigalugit kontomi uninngasuutit killiffii imaluunniit nalingi, aningaasat nalingi imaluunniit utertitsilluni pisinerup nalinga, ukiup naleqquttup naanerani, imaluunniit, konto ukiup taamaattup imaluunniit piffissap taamatut ittup ingerlanera matuneqarsimappat, konto matuneqarnera.

5) aqutsinermi konto eqqarsaatigalugu:

a) ernianit aningaasat tamarmiusut, iluanaarutini aningaasat tamarmiusut aamma konto uninngasuutit pigisat nalillit eqqarsaatigalugit taakkunannga isertitat allat aningaasat tamarmiusut, pisuni ataasiakkaani ukiup ingerlanerani kontomut imaluunniit konto eqqarsaatigalugu akilerneqarsimasut imaluunniit tutsinneqarsimasut.

b) tunisinermi iluanaarutit tamarmiusut imaluunniit aningaasatigut pigisat aningaasanngortinneri, ukiup ingerlanerani kontomut akilerneqarsimasut imaluunniit tutsinneqarsimasut, aningaaserivik nalunaaruteqartoq toqqorsivittut, akunnermiliuttutut, aqutsisutut imaluunniit allatut kontomik piginnittumit piginnaatitaalluni.

6) aningaasaliinermi konto eqqarsaatigalugu ukiup ingerlanerani erniat tamarmiusut kontomut akilerneqarsimasut imaluunniit tutsinneqarsimasut.

7) Nr. 5 aamma 6-imi allaaserineqanngitsoq konto eqqarsaatigalugu aningaaseriviup nalunaaruteqartup akiliinissamut imaluunniit akiitsut akilerneqarnerannik uppersaanissamut pisussaaffigisaani ukiup imaluunniit piffissap nalunaaruteqarfiusussap allap ingerlanerani konto eqqarsaatigalugu kontomik piginnittumut aningaasat akilerneqartut imaluunniit akiitsut akilerneqarnerannik uppersarneqartut, tassunga ilanngullugit ukiup ingerlanerani kontomik piginnittumut aningaasanngorlugit akilerneqartut aningaasat tamarmiusut.

Imm. 2. Aningaaserivik nalunaaruteqartoq ukiup ingerlanerani kontonik nalunaarutigineqartussaasunik peqanngippat tamanna pillugu Akileraartarnermut Aqutsisoqarfimmut paasissutissiisoqassaaq.

Imm. 3. Paasissutissat nalunaarutigineqartut nunap aningaasaanut taaneqartumut suussuserneqassapput.

§ 103. Kontot nalunaaruteqartussaasut tassaasut kontot pioreersut suulluunniit imaluunniit aningaaserivimmi konto, kontotut nalunaarutigineqartussaasut ammarneqarnissaat sioqqullugu eqqarsaatigalugit, § 102, imm. 1, nr. 1 apeqqutaatinagu, akileraartartup normua imaluunniit normui imaluunniit ulloq inuuffik aningaaseriviup nalunaaruteqartup suliani allagaataanut ilaanngippat aamma Kalaallit Nunaanni inatsisit naapertorlugit aningaaserivinnut nalunaaruteqartunut taamatut ittunit katersorneqanngippata akileraartartup normua imaluunniit normui nalunaarutigineqarnissaat piumasarineqanngilaq.

Imm. 2. Kontot pioreersut kontotut nalunaarutigineqartussaasut paasineqarnerini ukiup kingorna ukiup naanerani kontot pioreersut pillugit akileraartartutut normumik imaluunniit normumik pissarsiniarnissamut naammaginartumik iliuuseqarnissamut aningaaserivik nalunaaruteqartoq taamaattoq pisussaaffeqarpoq.

§ 104. § 102, imm. 1, nr. 1 apeqqutaatinagu, inuup pineqartup najugaqarfigisaani inatsisitigut oqartussaaffik peqataasoq akileraartartumut normumik atulersitsisimanngippat akileraartartup normu nalunaarutigineqassanngilaq.

§ 105. § 102, imm. 1, nr. 1 apeqqutaatinagu, sumi inunngorneq nalunaarutigineqassanngilaq, imaassimanngippat

1) aningaaserivik nalunaarutigineqartoq allatut pisussaaffeqarpat Kalaallit Nunaanni inatsisit malillugit pissarsiniarnissaminut nalunaarutiginninnissaminullu pisussaaffeqarpat aamma

2) aningaaserivimmit nalunaaruteqartumit toqqortarineqartumik nalunaarsukkat elektroniskimik ujaasiffigineqarsinnaasut akornanni pissarsiassaappat.

§ 106. Inuit, nalunaarutigineqartussat, aamma immikkoortortat inunnik nalunaarutigineqartussanik inunnik nakkutilliisullit, nalunaaruteqarnermi atugassanik § 102, imm. 1, nr. 1-imi eqqaaneqartut paasissutissat paasissutissiissutigissavaat, taamaattoorli tak. § 104.

Imm. 2. Danskisut cpr, cvr imaluunniit GER-normu eqqarsaatigalugit siulliulluni cpr-normu paasissutissiissutigineqassaaq. Pineqartoq cpr-normoqanngippat, kisiannili GER-normoqarluni, GER-normu paasissutissiissutigineqassaaq. Pineqartoq cpr imaluunniit GER-normoqanngippat cvr-normu paasissutissiissutigineqassaaq. Pineqartoq aamma cvr-normoqanngippat taarsiullugu ulloq inuuffik paasissutissiissutigineqassaaq.

Imm. 3. Ingerlatseqatigiiffiit, aningaasaateqarfiit, peqatigiiffiit, toqusut pigisai assigisaalu cpr-normoqanngitsut, cvr-normoqanngitsut, GER-normoqanngitsut imaluunniit nunami allami akileraartartutut normoqanngitsut siulittaasoq imaluunniit inuk alla immikkoortortaq imaluunniit inuk nalunaarutigineqartussaq sinnerlugu iliuuseqarsinnaatitaasoq pillugu kinaassusaa pillugu paasissutissat tunniunneqassapput.

Imm. 4. Aningaaserivimmi kontomik nalunaarutigineqartussaasumik ammaanermi kina pillugu nalunaaruteqartussaannersoq paasineqanngippat inatsisitigut pissutsinik pilersitsisimasoq nalunaaruteqartussaataitaasoq pillugu imm. 1-3-mi paasissutissat tunniunneqassapput. Kina

nalunaarutigineqartussaasoq paasineqarpat taanna pillugu kinaassuseq pillugu paasissutissat pillugit nalunaaruteqartoqassaaq.

Imm. 5. Pisussaasup nalunaarutigineqartussap allannguinerup kingorna qaammatip ataatsip iluani kinaassuseq pillugu paasissutissani tunniunneqartuni allanngui neq pillugu nalunaaruteqartussaasoq nalunaaruteqassaaq.

Imm. 6. Kinaassuseq pillugu paasissutissanik tunniussineq pisariaqartunik kinaassutsimik uppersaatiit takutinneqassapput.

§ 107. Nalunaarummut tunngasumi ukiup kingorna kingusinnerpaamik ulloq 1. maajimi nalunaaruteqartoqassaaq. Maajip aallaqqaataa arfininngorneruppat, sapaatiuppat nalliuttuuppat piffissaliussaq tassaassaaq ulloq nalinginnaasoq tulliuttooq qaninneq.

Kapitali 10

Avaqqussineq

§ 108. Kontop kontotut nalunaarutigineqartussaasutut suussusersineqarsimannginneranik, imaluunniit konto pillugu eqqortumik nalunaaruteqartoqarsimanngippat, tassunga ilanngullugu inummut nalunaarutigineqartussamut tunngatillugu eqqortumik nalunaaruteqartoqarsimannginnera taamaallaat imaluunniit annertuutigit siunertaqartumik iliuuseqartoqarsimappat imaluunniit avaqqussisoqarsimappat, kontot nalunaarutigineqartussaasut suussusernerinut suleriaatsit naammassineqarnerini aamma nalunaaruteqarnermi iliuutsit imaluunniit avaqqussinerit taakku pisimannginnerisut iliuuseqartoqassaaq.

Kapitali 11

Atuutilersinneqarnera

§ 109. Nalunaarut ulloq 1. september 2017-imi atuutilissaaq.

Imm. 2. Kapitali 9 malillugu nalunaarutiginninneq qaammatisiutit ukiuannut 2016-imut qaammatisiutillu ukiuannut kingusinnerusumut tunngatillugu pissaaq. Qaammatisiutit ukiuanni 2016-imi nalunaarutiginninneq pissaaq kingusinnerpaamik ulloq 15. september 2017.

Kalaallit Nunaanni Namminersorlutik Oqartussat ulloq 30. august 2017.

Aqqaluaq B. Egede

/

Nikolai Sten Christensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut